


元
 坂釋氏稽古略


四下
 捌
 尾



漢書門			
類	號	函	架冊
一	二	三	四
八	八	八	八
10038			

漢書			
類	號	冊	架
一	二	三	四
九	八	八	八
10038			

內閣文庫			
番號	漢	10038	
冊數	8 (8)		
函號	別	64	9



綴じ部(喉部分)の文字など開きが不鮮明な箇所あり

丙戌

崇寧五年

大遼

乾統六年

女真

五年

西夏

天章

丁亥大觀元年

大遼

乾統七年

女真

六年

西夏

天章

美蓉

宋詔左街十方淨因禪院禪師道楷住天寧寺開封尹李孝壽奏賜紫衣號定照禪師楷謝恩罷上表辭謝不敢竊冒寵榮帝再造孝壽

齋璽書諭意楷確然不回帝怒收楷付獄有司問長老有疾乎有疾免罪楷曰生平不曾妄語豈敢僥倖稱疾遂受罰著縫掖編管淄州

次年放逐便庵于芙蓉湖上學者益親帝賜所居額曰華嚴禪寺師生沂州崔氏初遊京師籍名街臺寺試法華經得度得法授子山青

禪師嗣之重和元年五月十四日入寂鄧州丹霞子溥等嗣之溥有三弟子曰清了敬頌曰正覺即天童高宗紹興二十七年九月二十

日宏智出辭明越郡侯十月十日還寺十一日手書請育王大慧果禪師主後事擲筆而逝齒髮道具舍利流綴葬全身于東谷

戊子

大觀二年

大遼

乾統八年

女真

七年

西夏

蔡京

蔡京進太師童貫加武康熙河等路宣撫內侍建節始此五并加貫檢校司空場鎮泰寧貫由此恃功選置將吏不復關朝廷矣

八四

音五四

四十二

漢羅

浙西湖州有邵宗益者剖蚌中有珠現阿羅漢像偏袒右肩矯首左
顧衣紋畢具僧俗驚喜奉之以歸城南慈感天台教寺寺臨茗溪建
溪中後溪涸沙明索而獲之建閣藏焉隴

飯僧觀金

練塘居士洪慶善持江東使節夜宿池州梅山愚立宗禪
師迎之相與夜話洪問以飯僧見於何經其旨安在宗曰

四十二章經有云飯凡人百不如飯一善人乃至飯千億三世諸佛
不如飯一無住無作無證之者其無修證則是正念獨脫能飯斯人
則功超諸佛然前輩知此旨者多矣洪曰其為誰乎宗曰且以近說
如秦少游藤州貶所自作挽章有誰為飯黃緇之句東坡既聞秦計
以書送銀五兩囑范元長為秦飯僧及東坡北歸至毘陵以疾不起
太學生哀錢於東京慧林飯僧蘇黃門撰東坡墓誌首載之洪曰觀
金有據乎宗曰公豈不見毛詩小雅鹿鳴燕群臣嘉賓也既飲食之
又實幣帛筐篚以將其厚意蓋飲食不足以盡敬而加贈遺以致慤
勲也於是為誦丁晉公齋僧疏曰佛垂道有群生九欲救於傾
危必預形於景况謂白衣干祿叨家等之重權於陛宣其才之
優渥補仙山之裘曲盡巧心和傳說之羨難調眾口嘗於安寢忽夢
清容妙訓泠泠俾塵心而早悟真儀隱隱恨九自以那知蓋智未周

身事乖遠害至禍臨而莫測成災及以非常勳尚西京感聖恩而寬
宥竄於南裔當忠憲以甘心咎實自貽孽非他作念一家之散地望
萬里以何歸既為負國之臣求絕經邦之術程由湘上道表正
當煩惱之身忽接清涼之眾方知富貴難保始終直饒鼎食之榮豈
若孟葵之美特形皈命恭發精誠虔虔施白金充脩淨供飯苾芻之高
德答嬾瓚之深慈冀保此行乞無佗恙伏願天回南眷澤賜下臨免
置邊夷白日便同於鬼趣賜歸中夏黃泉再感於天恩虔罄丹誠永
繫法力洪曰向讓名臣傳只見補仲山衮和傳說羨一聯而已今獲
全聞其精禱○衡嶽寺高僧名明瓚性懶而食殘時曰嬾殘李泌異
若此○而往謁之撥火出芋以其半啜洪曰領取十年宰相

己丑

大觀三年

大遼

乾統九年

女真

八年

西夏

法師 宋十二月二十七日四明法智下二世杭州慈辯法師從諫自元豐
從諫 元祐至大觀住上空二十四年退居處州壽聖入寂嗣法弟子十人
西浙擇卿齊璧 其傳寂盛鐵行

庚寅

大觀四年

大遼

乾統十年

女真

九年

西夏

宋六月以張商英入相時久旱是夕大雨御書商霖二大字賜商英
次年四月罷宣和四年薨號無盡居士寓荆南日道學自居少見推
許園悟臧舟謁之劇談華嚴旨要園悟曰華嚴現量境界理事全真
初無假法所以即一而萬了萬為一一復一萬復萬浩然莫窮心佛
衆生三無差別卷舒自在無礙圓融此雖極則終是無風而雨之波
無盡於是不覺促榻園悟遂問曰到此與祖師西來意為同為別公
曰同矣園悟曰且得沒交涉公色為之溫園悟曰不見雲門道山河
大地無絲毫過患猶是轉句直得不見一色始是半提更須知有向
上全提時節彼德山臨濟豈非全提乎公乃首肯翌旦復舉事法界
理法界至理事無礙法界園悟又問此可說禪乎公曰正好說禪也
園悟笑曰不然正是法界量裏在蓋法界量未滅若到事事無礙法
界法界量滅始好說禪如何是佛乾屎橛如何是佛麻三斤是故真
淨偈曰事事無礙如意自在手把猪頭口誦淨戒趁出淫坊未還酒
債十字街頭解開布袋無盡公曰美哉之論豈場得聞乎羅湖贊曰
夫園悟融通宗教若此故使達者心悅
而誠服非宗說俱通安能爾耶羅湖錄

園悟

西川成都府昭覺寺禪師名克勤彭州駱氏子世宗儒兒時日
記千言遊妙寂寺見佛書有感遂出家依師自省祝髮從文照

法師通講說又從敏行授楞嚴出蜀首謁玉泉次依金鑿信大瀉
結黃龍晦堂心東林度皆稱羨之晦堂曰他日臨濟一派屬子矣京
後到蘄州謁演禪師於五祖山盡領其奧旨至是崇寧中還鄉里成
都帥翰林郭公知章請開法六祖寺更昭覺政和初謝事復出陝南
遊時無盡居士張公商英寓荆南師謁之談華嚴無盡公信敬拜禮
之留住碧巖復從道林樞密鄧公子常奏賜紫服師號詔住建康蔣
山勅補汴京天寧萬壽寺帝召見褒寵甚渥建炎初又遷鎮江金山
適高宗駕幸揚州詔入對賜號園悟禪師遷江西雲居久之還領昭
覺紹興五年高宗八月己酉示微恙跌坐書偈別衆投筆而逝火化
舌齒不壞舍利五色無數塔于昭覺寺之側謚真覺禪師嗣五祖山
演禪師演嗣白雲端嗣楊岐會
會嗣慈明圓禪師臨濟派也普傳

辛卯政和元年

大遼 天慶元年

女真阿骨打 十年 西夏

壬辰

政和二年

大遼 天慶二年

女真阿骨打 十一年 西夏

宋太師楚國公蔡京喜食鷄預籠蓄而烹之嘗夢鷄數千許于前其
一致詞曰食君廩中粟充君箸下肉一莖數百命生死猶轉轂看君

壽千春禍福相倚 ○ 宋秋九月改官名太
伏京甚畏焉讀漢 宰少宰曰左右僕射

癸巳 政和 三年 春青委 大遼 天慶三年 女真阿骨打 西夏 十二年

御賜法衣

宋東都妙慧尼寺住持淨智大師慧光生成都范氏其著書號唐鑑
乃其叔父也是年帝自禁中以法衣施諸禪長老光亦預焉因命資
次說法而光受當其末陞座問答罷顧視大眾曰若論說禪說道則
諸大禪師已說了也教山僧到這裏說箇甚麼即得豈不見先德道
千種言萬般解只要教君長不昧然雖如是畢竟如何遂以法衣覆
頂良久云衲帔蒙頭萬事休此時山僧都不會便下座于時緇素聽
者萬計靡不嘆服所以韓舍人子蒼銘光之塔稱
其多聞善辯焉塔初於豫章西山聖相之原雲開

身定

宋四月西蜀嘉州奏風折大樹枯株有僧在定髮髮蒙密指爪纏身
帝令送至京師秋八月迎入禁中譯經院三藏大師金總持鳴金磬
出其定僧曰我東林遠法師之弟慧持也西遊我眉因入定于此遠
公無恙否三藏曰遠公東晉人去世已七百年僧遠不語三藏徐啟
今欲何歸僧曰陳留縣即復入定乃用其言葬陳留帝令繪其像頒
天下御製贊三首曰七百年前老古維定中消息許誰知爭如隻發

素御

西歸去生死徒勞木作皮藏山於澤亦藏身天無藏道可親為語
莊周休擬議樹中不是負趨人有情身不是無情彼此人人定裏身
會得菩提本無樹不須辛苦

問盧能普登錄二十二卷慧

甲午 政和 四年 大遼 天慶四年 女真阿骨打 西夏 秋八月叛遼

女真 金也世本新羅人號完顏氏完顏猶漢言王也世為酋長服屬
大遼二百年世襲節度使至龕福下四世妻女真女生三子長

楊割 太師

曰胡來胡來生三子長曰核里次曰蒲刺東季曰楊割楊割生三子
長曰阿骨打次曰吳乞馬季曰思改思改生粘罕女真至楊割太師
始雄諸部丙子歲蕭解里嘯聚遼捕之遂投生女真界見壽昌遼命
楊割圖之楊割但斬解里遣長子阿骨打獻首級於遼自此楊割內
恃有功陰懷異志楊割死阿骨打之年會遼主天祚剝是嗜上下

荒淫其相李儼蕭奉先輩庸瑣貪婪阿骨打承其父楊割富庶之餘
兵強馬壯力有異圖先是女真之地東北鄰於五國五國之東接大

海案

海出名鷹自海東來者謂之海東青小而俊健能擒鴟鵂爪白者尤
以為異遼人酷愛之天祚嗣位責貢尤苛逼其國人窮取以獻女真
至五國戰鬪而後得女真苦之且沿邊諸帥邀求賂遺無虛日不勝

其擄諸部怨叛於遼潛結阿骨打舉兵謀亂至是甲午年秋八月阿骨打始叛用粘罕胡捨為謀主銀木割移烈婁宿闇母等為將帥甲馬二千犯混同江之東寧江府天祚遣兵禦之皆敗遂失寧江州阿骨打將兵轉戰而前乙未年秋八月遼主天祚下詔親征女真路出長春軍中一夕戈甲有光遠相張琳曰唐莊宗攻梁示戰夜有光郭崇韜曰火出兵入破賊之兆天祚喜而信之十一月進戰兵潰天祚一日一夜走五百里退保長春女真乘勝遂併渤海遼陽等五十四州遼陽開元路咸平府

乙未 政和二年 大遼 天慶五年 女真阿骨打 西夏 十四年

明智法師 宋四月明州延慶院明智法師中立入寂立嗣神智鑒文文嗣廣智尚賢三世皆繼住持延慶祖庭至立益盛鼎說之銘其塔塔銘

宋左街香積院法師永道 勅賜號寶覺大師法師三藏

死心禪師 隆興府黃龍山死心禪師名悟新韶州黃氏子生有紫肉幕左肩右袒如僧伽梨狀壯依佛陀院德修祝髮進具叅方謁晦堂心禪師得其法要遂嗣之至是乙未十二月十三日入寂茶毘舍利

五色後有過其區所者獲之尤多塔于晦堂文堂之北塔

隆興府泐潭湛堂禪師名文準生興元府梁氏文具後叅方謁真淨文禪師服勤十年一日舉杖決渠水濺衣忽大悟顯謨李公景直守豫章請開法雲巖遷泐潭至是政和五年十月二十日更衣說偈而化闍維晴齒念珠不壞舍利晶圓光潔塔于南山之陽無盡居士丞相張公商英撰行業碑大慧杲禪師為禪侶時請之也師嗣真淨文文嗣黃龍南禪師僧

丙申 政和六年 大遼 天慶六年 女真阿骨打 西夏 十五年

宗律 宋秋九月一日杭州靈芝寺律師元照跣步入寂壽六十九歲僧臘五十一夏葬寺西北隅謚曰大智劉燾銘其塔關漢碑其行業孫觀為立石照字湛然生餘杭唐氏初昆尼大學親自佛制自文殊已降不許措一詞優婆離結集不敢憊一字人間天上十方三界刹海無盡聖眾唯同一律可謂嚴矣如世禮樂征伐必自天子出公侯卿大夫不容僭也然大法東度唯律未明學者失已唐太宗貞觀中求與

軍終南山澄照大律師道宣作戒疏羯磨疏事鈔弘四分律流傳逾四百載釋義近六十家於中大昭慶律師允堪作會正記獨為盡理最後此靈芝大智元照以法華開顯圓意作資持記與會正師殊途同歸推明南山元意而上合於佛制自是會正資持文分宗於律矣

如折金杖不失金體無
作戒體果可分耶

丁酉

政和靈符觀察大遼
七年覆為承襲

天慶七年

女真阿骨打

西夏

林靈素

林靈素者温州人也善符術輔以雷公法初往來不逞於宿亳淮泗
間乞食諸寺僧薄之至楚州與釋慧世相毆擊訟于官時府倅

石仲喜其辯捷輕俊為脫之置館中問吐納燒煉蜚昇之術至是政
和七年正月仲携之入京謁宰相蔡京京致見帝林大言曰天上有

神霄玉清府長生帝君主之其弟青華帝君皆玉帝子次有左相僊
伯并書罰僊吏褚慧等八百餘官謂帝即長生帝君蔡京乃左相僊

伯靈素即褚慧帝忻然信之賜林號金門羽客作通真宮以處之帝
自號教主道君皇帝二月詔改天下天寧觀為神霄玉清萬壽宮所

在無觀者以寺充仍設長生大帝君青華大帝君像建寶籙宮置道
學科宣和元年帝有景貺冬十一月放林靈素歸温州死之

隆興府黃龍山佛壽靈源禪師名惟清得法晦堂室中至是秋九月
十八日入寂師嗣晦堂寶覺心禪師嗣師之法慧古德逢守卓皆高

第弟子時伊川居士徐師川朱
世英洪駒父皆從之問道

汴京

汴京智海佛鑑禪師名慧勲舒州慶安汪氏子壯歲師本郡廣教圓
深試所習得度每以法華經佛言准此一事實餘二即非真味之有

省入五祖演和尚室深得法要嗣之舒守孫鼎臣請住太平法道太
播政和初詔住汴京智海經五年乞歸得旨居建康蔣山樞密鄧公

子常奏賜師號紫服至是政和七年九月八日自上堂云祖師心印狀
似鐵牛之機去即印住住即印破直饒去不住亦來是猶僧行履

處且作麼生是衲僧行履處待十月前後為諸人注破至辛卯八日
沐浴更衣端坐手寫別故舊書數紙停筆而化關維收靈骨舍利塔

于寺左嗣師之法者守珣等珣生湖州施氏住何出天寧號佛燈禪
師至紹興六年亦以十月八日歸寂通判雙槐居士鄭績待制養空

居士潘良貴深
有扣明焉

戊戌重和元年

大遼

天慶八年

女真阿骨打稱帝西夏

壽山

宋帝汴京作壽山良嶽是年秋七月成賜名華陽宮蜀郡漢州維縣
僧祖秀字紫芝欽宗靖康初親遊其闢作華陽宮記載之東都事畧

秀嘗集文忠公脩江州圓通訥禪師論議佛法大旨作歐陽外傳后
湖居士蘇庠叙之高宗紹興二年其弟子曇暉仲宏集師講義為傳

七十三

七百六日

世傳

作疏鈔三卷汝陰王銍又叙之右相魏國公張浚併述後叙刊行於世秀作佛運編年通論祖瑋者作統紀併為己有之瑋號石室

大金

女真也阿骨打建國稱帝遼主天祚在中京聞燕王兵敗女真入新州晝夜憂懼秋女真取東京黃龍府五十餘城是時有楊

帝稱

朴者遼東鐵州人也本渤海大族登進士第累官校書郎先是渤海人高永昌殺遼東京留守蕭保先自稱為渤海國皇帝據遼東五十餘州遼主遣相張琳將兵討之琳敗績女真破渤海軍斬高永昌降

并封

楊朴而用之朴勸阿骨打稱皇帝改元天輔以王為姓以曼為名以其國產金號大金又說阿骨打曰自古英雄開國受禪先求大國封

明皇帝也

國號大金也玉輅也袞冕也玉刻御前之寶也以兄弟通問也生辰正旦遣使吐歲輸銀絹二十五萬匹兩分南宋歲賜之半

也

割遼東長春兩路也送還女真阿鶻產趙三大王也天祚付群臣議蕭奉先大喜以為自此無患差靜江軍節度使蕭習烈翰林學士

楊勉充封冊使副歸州觀察使張孝偉太常少卿王府充通問使副

衛尉少卿劉湜充管押禮物官將作少監楊主忠充讀冊使備天子

袞冕玉冊金印車輅法駕之屬冊立阿骨打為東懷國至聖至明皇帝其冊文畧曰眷惟肅慎之區實介扶餘之俗土濱上國材布中欽

相始

雅有山川之名承其父祖之胤碧雲袞野固須挺於渠社皓雪飛霜疇不惟於絕駕章封屢報誠意交乎載念遙芬宜暨多戲是用遣蕭習烈等持節備禮冊為東懷國至聖至明皇帝義敦友睦地裂豐腴

嗚呼戒哉欽哉式孚于休所有徽號緣犯祖號改為至聖至明餘悉從之使人自十月發行冬十二月至金國是月阿骨打追尊九代祖

龕福謚景元皇帝號始祖八代祖名訛魯謚德皇帝七代祖名伴海謚安皇帝六代祖名隨闕謚定昭皇帝號獻祖五代祖名寔魯謚成

襄皇帝號昭祖曾祖太師名胡來謚惠皇帝號景祖父太師名楊哥謚孝平皇帝號穆宗妃后皆追加謚號

阿骨打以遼使儀物示楊朴楊朴以儀物不全用天子之制又東懷國乃小邦懷其德之義仍

無冊為兄之文如遙芬多戲皆非美意形弓象輅亦諸侯事渠材二字意似輕侮命習烈歸易其文習烈曰兄友弟恭出自周書言友睦

則兄之義見矣楊朴等面折以為非是阿骨打大怒叱出使副欲腰

斬之粘罕諸酋為謝乃解然猶人各答百餘至次年三月止遣蕭習烈楊立忠回云冊文我都不曉徽號國號玉輅御寶我都有之須稱

我大金國皇帝兄即已能從我今秋可至軍前不然我提兵取上京矣天祚惡聞女真事蕭奉先揣其意皆不以聞遷延久之聞

上京已破和議遂寢後天祚雖復言和阿骨打皆不報

己亥宣和元年

大遼 天慶九年

大金

天輔二年

西夏

元德元年

毀佛 僧號

宋

正月詔改佛為大覺金僊餘為僊人大士僧稱德士尼為女德士

道三 藏

宋

左街崇先香積院寶覺大師永道上書諫曰自古佛法與國運同盛

宋

武信衛元嵩滅佛法不六七年元嵩貶死隋文帝繼興之唐武宗信

宋

李德裕李歸真滅佛法不一年歸真誅德裕竄死宋宣宗盛興之

宋

我國家太祖皇帝太宗皇帝列聖相承譯經試僧流通佛法自有成

泗州 大聖

宋

憲萬世可守也上震怒縣永道于道州道在貶所齋戒嚴整如常時

復僧 佛號

宋

道昔者嘗從西天總持三藏稟真言軌範至是值軍民多瘡瘡道呪

宋

水以飲之無不痊安三月京師大水街衢浩渺朝廷委林靈素治水

宋

日夜益漲君臣懷懼泗州僧伽普光王現靈禁中帝焚香歸敬見僧

宋

伽振錫登城水乃頓涸上下大悅冬十一月放林靈素歸温州宣和

宋

二年秋九月詔復佛號德士復為僧求道量移近郡宣和七年詔永

宋

道還京師復僧形服朝廷旌其護法念其精忠改賜名曰法道住昭

宋

慶昭先院兼領右街顯

宋

聖釋迦院東都事畧又

宋

金人四月攻陷遼國上京路祖州則太祖之天禧堂懷州則太宗德

宋

光之崇元殿慶州則望僊望聖神儀三殿比先破乾顯等州如凝神

宋

殿安元聖母殿木葉山之世祖殿諸陵寢皇妃子弟影堂焚

宋

燒掠盡發掘金銀珠玉所司即以聞蕭奉先皆抑而不奏燼

庚子

宣和

復僧大遼

天慶十年

大金

天輔三年

西夏

元德二年

宋

太尉陳良弼建大會齋延諸禪講有善法師賢首宗之雄者號義

宋

虎致問諸禪曰吾佛設教自小乘至于圓頓掃除空有獨證真常

宋

然後萬德莊嚴方名為佛而禪宗以一喝轉九成聖攷諸經論似相

宋

違背今一喝若能入五教是為正說若不能入五教是為邪說是時

宋

諸禪列坐法真禪師一公以目眴慈受禪師深公深肘淨因使對之

宋

淨因召善而謂之曰承法師所問不足勞諸大禪師之酬只淨因小

宋

長老可解法師之感其五教者如愚法小乘教乃有義也如大乘始

宋

教乃空義也如大乘終教乃不有不空義也所謂大乘頓教乃即有

宋

即空義也所謂一乘圓教乃空而不有有而不空義也我此一喝非

宋

唯能入五教至於世間諸子百家一切技藝悉能相入乃唱約還聞

宋

廢善曰聞成曰汝既聞則此一喝是有是能入小乘教又召善曰汝

宋

今還聞廢善曰不聞成曰汝既不聞則適來一喝是無是能入大乘

始教我初一喝汝既道有喝之聲銷汝復道無道無則元初實有道
有則即今實無既乃不有不無是能入終教我有喝之時有非是有
因無故有無喝之時無非是無因有故無即有即無能入頓教我此
一喝不作一喝用有無不及情解俱忘道有之時纖毫不可道無之
時橫徧虛空即此一喝入百千萬億喝百千萬億喝入此一喝是能
入圓教善遂稽首謝師復召善曰乃至一語一默一動一靜從古至
今十方虛空萬象森羅六趣四生三世諸佛一切聖賢八萬四千法
門百千三昧無量妙義契理契機與天地萬物一體謂之法身三界
唯心萬法唯識四時八節陰陽一致謂之法性是故華嚴經云法性
徧在一切處有相無相一聲一色全在一塵中含四義事理無邊周
徧無餘參而不雜混而不一於此一喝中皆悉具足猶是建化門庭
隨機方便謂之小歇場未至寶所殊不知吾祖師門下以心傳心以
法印法不立文字見性成佛有千聖不傳底向上一路在善又問曰
如何是向上一路成曰汝且向下會取善曰如何是寶所成曰非汝
境界善曰望禪師慈悲成曰任從滄海變終不為君通善於是愀然
變容俛首而退是時帝私幸觀之太師魯國公亦預焉帝顧謂近侍
曰禪宗玄妙深極如此淨因才辯亦罕有也侍臣奏曰此宗師之緒
餘耳瑩仲溫羅湖錄贊曰成之學贍道明左右逢源乘機挫銳於人

天眾前借使先德扶宗亦幾以加於此矣禪師名繼成字藏庵生
西袁州宜春劉氏詔住淨因禪刹師嗣智海遠平禪師平嗣大滙慕
詰詰嗣翠巖可真真嗣慈明圓禪師成之嗣有
二弟子曰瑞巖勝治父川臨濟派也羅湖文集五燈會元

辛丑 宣和焚皇巢 大遼 保大元年 大金 天輔四年 西夏

宋二月詔政和七年所改寺為神霄宮者田產盡還僧寺繼三月二
十五日詔慈受禪師懷深住汴京大相國慧林禪刹師生壽春夏氏
高宗紹興二年入寂嗣長蘆
信信嗣慧林圓照本禪師普

白雲庵 杭州靈隱寺方丈後山之庵也至是宣和三年有比丘曰清
覺白號本然仁宗慶曆三年十月二十二日生洛京登封縣

孔氏宣尼五十二世孫曾祖高勅事梁歷唐同光時領襄州澤潞河
陽節度使官至太子太師父訢進士隱德母崔氏覺幼而穎悟習儒
業累請鄉舉神宗熙寧二年閱法華經有省求出家父母許之依汝
州龍門山寶應寺海慧大師剃染囑其南詢初叅嘉州峨眉山千歲
和尚次抵淮西舒州慶嚴浮山結庵于太守巖宴坐二十年哲宗元
祐七年遊浙明年至杭州靈隱寺隨眾居止汪羅二行人求師心要

白雲

深

七

學侶日臻靈隱圓明童禪師以寺後白雲山庵居覺玄化開闢乃自立宗以所居庵名為號曰白雲宗移居餘杭龍門山庵曰福地為龍神說三皈五戒至是崇寧三年至錢塘六和塔開化寺後紫雲庵居道俗請就正濟寺講華嚴經時當毀教覺著證宗論五教總十地歌大觀元年卓庵湖州歸安千金市名曰十地次至烏程青山卓錫得泉結庵而居名曰出塵徒眾復請歸正濟寺忌之者以證宗論干忤朝政聞官政和六年編管廣南恩州宣和二年弟子政布等十人詣京陳狀蒙旨放令逐便至是辛丑年七月二十日謝恩八月三日作偈投太守游公指以九月二十六日為別至期乃化去世壽七十九歲僮臘五十二夏弟子慧能稟遺訓奉靈骨舍利歸葬杭州餘杭之南山當宣和五年之二月也塔曰白雲院曰普安後弟子改曰普寧其於崇德甌山松林善住皆其行道之所德清龍山起山方山乾元山歸安巖山皆分葬舍利之所其宗聿興浙右

壬寅 宣和十一月無大遼 保大二年 大金 天輔五年 西夏

癸卯 春三月金人破中京也天祚在燕京聞報甚懼即日出居庸關率騎兵五千西奔雲中府沼宰相張琳李處訢與燕王溥守燕

癸卯 居燕二十年得人心天祚趨漁陽入天山李處訢等三月十七日百官父老立燕王曰天錫皇帝改元建福下詔廢天祚為湘陰王大錫以燕雲平中京上京遼西六路奄為已有沙漠以北西南西北路招討府諸番部族天祚主之稱保大二年遼國自此分矣八月燕帝溥病薨諡曰宣帝無嗣越王蕭幹會百官父老議立燕帝妻蕭氏為皇太后權主軍國事奉迎天祚次子秦王為帝蕭氏即位於柩前改元德興天祚聞溥死下詔削溥官爵并妻蕭氏降為庶人賜姓虺氏金主趨中京天祚走及夏國十二月金人抵居庸關

癸卯 宣和五年 大遼 保大三年 大金 五月改西夏 天會元年

宋 秀州興寧春旱禱精嚴寺觀音有驗重裝聖像夏旱復有請郡守曾侯夢白衣天人曰我固當為此方致雨然阿日不淫三十里無所見不能與眾聖會奈何明日詰其由果匠者欲聖容明潤用雞子牛膠調粉故爾遂改新之隨禱即應

遼 春正月燕帝后蕭氏在燕聞金人入居庸關夜率蕭幹及車帳出城聲言迎敵實乃出奔至松亭關議所往耶律大石林牙遼人也欲歸天祚四軍大王蕭幹奚人也欲就奚王府立國宣宗瀛王附焉都尉蕭勃迭曰今日固合歸天祚然而有何面目相見林牙命左右

卷十六 音 五 日 二

宰出斬之傳令軍中有敢異議者斬於是遼奚二軍列陣相拒而分
矣遼軍從林牙挾蕭后歸天祚于夾山北朔外到常山并到常山命蕭奚
渤海軍從蕭幹蕭後留奚王府幹據府自立僭號神聖皇帝國號大
奚改元天興又曰七月奚兵遇金人戰於腰鋪奚大敗蕭幹為其部
曲得哥
殺之趙

會寧府金 癸卯春陞皇帝寨曰會寧府建為上京改遼之上京曰北京先是
女真之初無城廓止呼曰皇帝寨國相寨太子莊至是改焉置三

字省六部尹貳曹屬左丞相陳五兀室撰女真字以行趙五月阿骨打
是北這天祚途中以疾殞謚曰大聖武元皇帝廟號太祖是建國登

太宗位首末九六年弟吳乞馬立改名晟楊割太師第二子也改天輔六
年曰天會元年在位一十一年是八子皆封王初燕人張鼓者平州

人也路州山西道平州登進士第仕燕建福元年燕王授遼
興軍節度使平州金人粘罕欲擒鼓康公弼曰是激其反也獨往

見鼓諭金國之意鼓曰契丹八路今特平州存耳敢有異志所以未
釋甲者防蕭幹耳康報其言粘罕信之改平州為南京加鼓同平章

事判留守事實欲圖之也鼓殺金左企弓等以平州附宋十一月
兵襲破平州得宋朝所賜鼓金花箋御筆書詔金乃歸曲於宋累擢

宋朝宣撫司取鼓宋不得已命王安中縊鼓函
首送金未幾金太子窩里孛由平州侵宋矣趙

太金主是八子一曰阿母二曰室曷之三曰設梁虎與室曷同母
乃正室所生四曰幹離不誤呼五曰窩里曷誤呼六曰窩里混誤呼七曰窩里混誤呼八曰

四年冬犯江上者生第六曰兀木誤呼七曰窩里混誤呼八曰
阿骨保邢王號自在郎君是也與兀木同母是第二第三二子早世

所以誤呼其四為二
五為三六為四也趙

甲辰 宣和六年 大遼 保大四年 大金 太宗晟 西夏 天會二年

宋高僧寂音尊者 江西瑞州清涼禪師名惠洪潯潞郡之彭氏子年
十四父母俱喪依三峯龍禪師居日記數千言覽

群書殆盡龍器之年十九試經於東京天王寺得度從宣秘講成實
唯識論逾四年棄去謁真淨文禪師於廬山歸宗文遷石門師隨行

命掌記室未久去之顯謨朱公彥守撫州請開法州北景德後任江
寧府清涼大慧果禪師處眾日親依於師仰嘆其妙悟辯慧高宗延

炎二年五月辛酉入寂于同安世壽五十八歲僧臘三十九夏太尉
郭公天民奏賜寶覺圓明之號師嗣真淨文禪師撰禪林僧寶傳三

十卷林間錄又文集曰石門文字禪流行于世

遼 甲辰秋七月天祚率韃靼諸軍五萬携其后妃二子曰秦王趙王及宗屬南來越漁陽嶺金人粘罕回軍雲中天祚復奔山金司與

小胡魯謀南歸宋又謀奔西夏國計未決小胡魯密遣人遞報粘罕金使婁宿駙騎犯天祚小胡魯遂俘天祚以還金人削封天祚為海濱王送長白山

自後梁均王貞明二年丙子歲至是甲辰九九主歷二百單九年起

乙巳 宣和七年 大金 天會三年 西夏

宋六月封童貫廣陽郡王宋朝九異姓非外戚無封王者蔡京用事持紹述之說以資姦謀遂贈王安石舒王其後何執中贈清河郡王

王爵於是濫矣十二月童貫復宣撫自太原逃歸

大金 十二月翰離不粘罕分道入侵宋因平州張穀歸宋至於排怨路之軍粘罕主之建樞密院於雲中以時立愛主院事國人呼為

朝廷西朝廷於是翰離不之軍自燕山直犯河地粘罕之軍犯河

陷朔武代忻等州有趨太原金之渝盟也一因張穀帝所恃者貫先臨敵逃歸貫本庸繆因蔡京為助遂握兵權員今統兵身遠敵

常數百里是致將不先敵士不用命屢見敗衄庚申帝禪位太子以道君號退居隆德宮遣李鄴使金虜告以內禪且求和

欽宗 和徽宗子至是以皇太子受內禪即帝位 靖康二年

丙午靖康元年

大金 天會四年 西夏 四月攻宋 朱昭死之

宋 正月金人陷相州已巳帝下詔親征太上皇出幸南京辛未帝置守城戰具粗畢而金人抵城下矣白時中罷相李邦彥起復太宰

張邦昌少宰都人呼邦彥為浪子宰相壬申遣使督諸路帥臣將兵入援金人索金銀犒師尊我主為伯父歸我燕雲之人在漢者割中

山太原河間之地親王宰相為質我乃退師詔以皇弟康王為軍前計謀使張邦昌副之李鄴高世則偕行所求皆與之其三鎮詔書

綱留之不遣乙亥詔金國以大金稱丁亥勤王之兵並至號二十萬京師人心稍安二月金使復來帝遣宇文虛中齎李綱所留三鎮詔

書以往仍奉迎康王先是康王留金營與金國太子同射連發三矢皆中鵠連珠不斷金人謂將官良家子似非親王乃遣歸更請肅王為質乙巳康王自金營還金人圍京城九十三日既得三鎮詔書及肅王不誤金銀數足丙午金師退竄蔡京儋州至潭而死年八十蔡攸竄萬安軍尋有詔所在斬之童貫遠竄追斬於南雄三月命樞密使李綱迎上皇于南京四月始至京師趙良嗣先竄郴州至是就斬之初徽宗政和元年秋九月童貫使遼歸至幽州盧溝河有燕人馬植者得罪於遼之燕王無所容遂見貫陳滅燕之策貫携之歸改姓李名良嗣薦于帝賜姓趙復燕之議始於此也宣和二年二月女真請遣使通好因遣趙良嗣往約夾攻契丹卒於敗國今乃斬之金人以三鎮未得冬十月復兩道入寇十一月乙酉幹離不犯京師也劉家寺閏月粘罕犯京師也青城詔康王搆為天下兵馬大元帥陳搆為元帥宗澤副之速領兵入衛丙辰京城失守辛酉帝如青城二酋令孫覲撰降表書成令帝簽名北望拜發且云其主別立賢君但稱宋主帝默然十二月壬戌朔帝留青城康王開元帥府于相州癸亥帝自青城回粘罕請遣使迎康王使還報不見康王為辭

西夏

四月夏人寇邊攻懷德軍守貳劉詒杜栩死之十一日河以北大金得之自河以西我國得之今麟府諸壘悉已

我公何恃而不降乎攻甚急城陷死之十一日夏人寇邊陷懷德軍守貳劉詒杜栩死之

○丁未靖康二年正月辛卯朔庚子金粘罕遣人邀帝到營帝以孫傅謝克家輔太子監國傅仍為留守梅執禮副之帝出城僕射何棗以下皆從帝至青城與粘罕相見留之營中並留親王宰相執政學士院禮部太常寺官餘令先歸金人根括金銀帝遣中使歸云朕拘留在此候金銀數足方可還於是增官根括搜括戚里宗室內侍僧道伎術之家凡八日得金三十萬八千兩銀六百萬兩衣段一百萬輸納金營二月丁酉粘罕遣金牙郎君來責又發教坊人孟子著內侍藍折醫官周道隆等所藏書隱金銀凡十八日城內得金七萬五千八百兩銀一百一十四萬五千兩衣段四萬八千四百兩納金人軍前丁巳金人索郊天儀制及監書圖籍印板戊午金人索大成樂器太常禮制器用以至琴棋博戲之具珍奇圖畫等物丙寅粘罕令蕭夢讀金主詔於帝曰別立異姓廢淵聖為陳留王休州守墳墓推異姓堪為人主者從軍前備禮冊命仍邀太上皇出城丁卯太上皇后趙鄆王以下三十餘人諸王妃公主都尉等皆從三月丁酉金人無張邦昌為帝國號大楚丁巳太上皇北行寧德皇后及諸親王妃嬪以下皆行由滑州路進發離不軍護送四月庚申朔淵聖皇帝北行

皇后皇太子偕行由鄭州路進發粘罕軍護送淵聖率后諸王皇拜
 城中泣別宗廟哭聲震動青城庚午元祐皇后孟氏垂簾聽政邦昌
 以太宰退處資善堂邦昌借位也時六宮有位者皆從二帝離后以廢得極矣
 亥群臣請康王即帝位辛巳康王至單州壬午至雲城韓邦昌開車
 駕至南京排辦輿輦冠冕服御儀物百官有司各以其職並赴南京
 以備冊禮癸未康王次應天府今歸州日詣鴻慶宮朝三殿
 御容張邦昌至伏地慟哭請罪王慰撫之甲申耿南仲等議改元建
 炎以有宋火德之祥也戊子太后遣使賞手書畧曰今聞消辰之吉
 受冊有期將同日月之照臨行布風雷之號令天命所屬黎民咸竭
 於驩心神器既安衰老願諧於素志康王乃以己丑即帝位于南京
高宗 諱攽徽宗第九子封康王靖康二年五月庚寅朔改元建炎以五
 月二十一日為天申節竄張邦昌于潭州尋賜死建炎三年三月
 御營司都統制苗傅副統制劉正彥作亂逼帝遜位太子居帝尊聖
 宮太后垂簾聽政十一日改年曰明受張浚呂頤浩辛未宗劉光世
 韓世忠等勤王上復辟幸建康秋七月韓世忠生擒苗劉繫于建康
 市議駐劄越州發建康人犯建康陷杭州帝航海至溫州復回越
 州車駕如杭州陞杭州為臨安府紹興二年春正月癸巳朔壬寅高
 宗發越州丙午駐蹕臨安府久之春檜自金回專主和議徽宗欲宗

后邪后相繼崩于五國城金還河南地及樺宮以和越州繼而復入
 寇張浚韓世忠岳飛吳玠等大敗之遂遁去帝頒黃庭堅所書戒
 銘於州縣興太學建二館開經筵躬籍田正經界秦檜不能體上意
 罷諸將之權以溫忠義之氣卒使境土不能復也帝年二十一歲即
 位在位三十六年禪位孝宗自稱太
 上皇居德壽宮年八十二歲崩通鑑續

建炎四年
 紹興三年

丁未建炎元年 冬十月車駕狩揚州 大金 天會五年 西夏

戊申 建炎二年 正月詔金山住持克勤入太金 天會六年 西夏

冬十月四日蘇州北禪天台法主淨梵入寂 梵傳慧明明傳蘊堯報慈法師也續藏集釋

己酉 建炎三年 大金 天會七年 西夏

諸天行位 秋八月二十一日杭州上天竺慧覺法師齊壁入寂石林葉夢得銘其塔壁著普賢觀經疏三卷祖源記二卷嗣子

神煥如湛法久煥嘗考論諸天行位以君臣賓主男女本跡為綱且謂大梵尊天君臨三界統上冠下諸天皆其臣屬也大梵為三界主三月摩醯為大千主帝釋主地居三十三天四王主領八部雖君臣不同要各有主義若大辯在山澤功德在北天園中皆客寄耳實無所主領也梵釋四王是男天功德大辯地神樹神皆女天不可使男女失序况鬼子母有女各功德天有男各散脂脩摩今子居母上可謂之以母從子其可居天主之上乎梵釋四王本是地住菩薩金剛密跡本護千兄成佛不揣其本而齊其迹可乎知此四義然後始可與言天矣煥有三弟子曰總庵妙心常齋法拜覺庵簡言言傳鑑堂思義寶慶紹定間住上空釋統

護國金光明懺

冬十月帝狩台州至金鰲山寺寂然空靜唯廣歛香駕帝悅而問之對曰護國金光明三昧懺也是後駐蹕杭州

輦下諸巨刹歲賜金帛脩金光明懺實本於此懺法應推

庚戌

建炎四年春二月駕狩温州駐江心寺因改曰龍翔

大金天會八年

西夏

齊

金人粘罕謂張邦昌之死請於國主乃以河南之地九月九日冊立濟南守劉豫為帝于大名國號大齊年曰阜昌宋屢征討之豫

屢敗嗣至丁巳年金主以劉豫不能立國遂廢豫齊立八年亡豫生景州守濟南

辛亥紹興元年

秋八月范宗尹罷相秦檜右相

大金天會九年 西夏

壬子

紹興二年秋九月秦檜罷相朱勝非復拜右相

天會十年

癸丑

紹興三年

天會十一年

甲寅

紹興四年九月趙鼎入相

太宗崩熙宗立天會十二年

乙卯

紹興五年

西夏大德元年

宋九月丙辰駕幸上天竺以萬歲香山供養菩薩召住持應如賜對如辯慧稱旨賜金帛祠部度僧牒以勉脩造初紹興三年七月龍圖閣學士梁汝嘉知臨安府奏圍通大師應如住上空至是帝悅紀勝

金

太宗晟天會十二年十二月崩熙宗孝成帝置立太祖嫡孫也宗浚之子稱天會十三年至戊午改元天眷辛酉改元皇統己巳皇

統九年十二月丁巳為從弟岐王亮弒之孝成在位十六年幼而聰達貫綜經業喜文辭威儀太宗深所愛重平日嗜殺晚年性尤暴宗族大臣皆懼不免遂相與結約以伺其間而弒之亮既即皇帝位道廢曹為東昏王亮死世宗立謚曹曰武靈皇帝廟號閔宗久之改孝成皇帝廟號熙宗

丙辰 紹興六年 大金 天會十四年 西夏

平江虎丘隆禪師入寂塔全身于西南隅師和州含山人嗣園悟勤禪師勤嗣五祖演禪

丁巳 紹興七年 師宗果往徑山能仁禪寺 天會十五年

戊午 紹興八年 復拜右相 金改 天眷元年

勅綾度牒 宋秋八月詔賜天下僧尼勅綾度牒

己未 紹興九年 天眷二年

報恩 宋詔以女真來和大赦天下諸路軍州建報恩光孝禪寺

庚申 紹興十年 大金 天眷三年 西夏 拓跋仁孝立 大慶元年

宋冬十一月七日杭州北關妙行院沙門名思淨入寂禮部侍郎張九成銘其塔淨之族錢塘喻氏建妙行院接待供僧三百萬畫阿彌陀佛入于神妙楊侍郎傑贊為喻彌陀人從而稱之淨於西湖之北鑿石為大佛頭

辛酉 紹興十一年 秦檜張浚謀 誅大將岳飛 金改 呈統元年 西夏

無塔居士 宋朝散郎知温州張九成字子韶號無垢居士杭州鹽官人初紹興二年三月帝策試進士九成第一九成謂前輩搢紳所立過人伊洛名儒所造精妙皆由悟心因是參學究竟初謂大通之嗣寶印禪師楚明見佛日杲禪師于徑山明悟心要窮元盡性至是辛酉年佛日重其悟入特為上堂引神臂弓以言之是時軍國邊事方議神臂弓之用右相秦檜以為譏議朝政五月民佛日竄衡州貶九成南安軍九成謫居十四年寓橫浦僧舍談經著書皆學者之未聞其心傳錄曰六經皆妙法也然言者道之贅六經其贅道哉困於經則贅矣又

曰世間無非幻人處幻中不知萬古紛紛喜怒愛惡從何而起以為本有則物不形以為本無不可貴之如木石其間能自覺者又是認幻為覺覺即幻也無幻則不覺因覺知幻覺自不可着况於喜怒哀惡之情乎况於功名富貴之塵乎難辨宋秋七月台州智涌法師了然住白蓮天台教庠已二十四年定沐浴更衣跏趺說法而逝然著南嶽止觀宗圓記五卷十不二門禪要二卷虎溪前後集八卷嗣法諸子澤山與咸山堂元性白蓮妙璘虛堂本空禪

壬戌

紹興十年

大金

皇統二年

西夏

宋春顯仁太皇后韋氏自北歸徽宗秋九月尚書左僕射冀國公秦檜封太師魏國公繼

癸亥

紹興十三年

皇統三年

度僧道士金夏六月英悼太子生詔海慧大師於上京宮側創造大儲慶寺普度境內童行有籍于官者為僧尼道士亦如之通百萬計次年詔詔海慧清慧二禪師居大儲慶寺迎瑞像供養本序續慶閣詮誌

建國

宋勅於臨安府西山建天申萬壽圓覺寺成四月十九日令海邸看經僧德信奉香火至理宗寶慶二年五月十三日始詔師贊住持傳

十方天台教觀碑刻

翻譯名義

宋秋八月蘇州江平景德寺沙門法雲編成七卷准心居士周葵叙

甲子

紹興十四年

宋明州延慶院改賜寺額

大金

皇統四年

西夏

元慶元年

吳寺

宋詔改天竺靈山寺為時思薦福賜憲聖慈烈皇后吳氏奉先香火寧宗慶元三年冬十月卜地靈隱之西建時思薦福寺成復還天竺舊額嘉定十年六月慶遠軍節度使吳琰請于朝曰時思薦福乞依上下天竺事體永傳十方天台教觀始詔景遷開山住持碑刻

乙丑

紹興十五年

皇統五年

金國海慧大師遷化帝借后親奉舍利五爇立塔特謚佛覺佑國大禪師次年正月賜清慧號佛智護國大師登國師座特賜金襴僧伽梨大衣珍異餅爐寶器帝與后親奉接足禮拜授衣其欽敬古所未有碑

海慧

清慧

德

七百五日

丙寅

紹興十
六年

大金

皇統六年

西夏

丁卯

紹興十
七年

蒙輔國祖元皇帝

天興元年

皇統七年

西夏

勝國

金國撻辣既誅其子勝花都郎君者率其父故部曲以叛與滕骨通兀朮都元帥未死自將中原所教神臂弓手八萬人討之連年不能克皇統六年八月復遣蕭保壽奴與之和議割西平河以北二十七圍寨與之歲遺牛羊米豆且押其酋長熬羅孛極烈為蒙輔國主至是始和歲遺甚厚於是熬羅孛極烈自稱祖元皇帝改元天興大金用兵連年卒不能討但遣精兵分據要害而還冬都元帥兀朮薨

宋

三藏法師初名永道改賜曰法道徽宗宣和元年詔改佛為大覺金僊左街崇先香積院寶覺大師永道上書諫帝怒黜道于道州

道三藏

宣和七年詔道還京師復僧形服朝廷旌其護法改賜名曰法道住昭慶昭先院兼領右街顯聖釋迦院高宗建炎元年以五月二十一日聖誕為天中節汴京留守宗澤承制請道住左街天清寺補宣教郎為國焚祝參謀軍事三年道隨駕南巡累召至都堂預議軍國事欲加冠裳道辭帝從其志仍前號寶覺加賜圓通法濟大師四年五月回駕次越州夏旱詔道禱雨於圓通教寺雨通帝悅紹興二年五月

三藏

月宣道入對文之詔住江州廬山東林太平興龍禪寺三年春二月道上劉子陳僧道班次依祖宗成法五年夏旱詔道入禁中禱雨大通帝賜道金鉢紹興至是十七年四月道叙大宋僧史畧秋七月二十一日跣趺謂其徒曰法門扶持更在諸公言訖而逝塔于杭州西湖之九里松寧宗嘉定間東陽吳克己為道作傳誌

戊辰

紹興十
八年

大金

皇統八年

西夏

宋佛智禪師名端裕吳越王錢氏之裔嗣罔悟勤禪師初住鄧州丹霞遷虎丘移徑山庵于西華勅住保寧萬壽遷閩之玄沙壽山西禪被旨補靈隱是年秋赴育王之命嗣子淨慈水庵師一等

己巳

紹興十
九年

金主被弒 亮改

九年曰天德元年

西夏

天盛元年

寺劉

宋五月二十三日勅賜婕妤劉氏功德院以褒親崇壽為額寧宗嘉定十七年始詔正悟法師元粹開山住持傳十方天台教觀鳳山別寺今為兩竺之亞

寺

竺之亞

金 十二月甲子左丞相歧王亮即皇帝位追尊父為德宗改元天德
遷都燕京又遷汴京南侵宋至揚州正隆六年十一月乙未為諸

將弒於瓜洲鎮龜山寺在位
一十三年謚曰海陵煬王

牧庵 宋江西隆興牧庵禪師名法忠明州鄞縣姚氏子幼性專靜告親出
家父母送之依郡中崇教院師道英受業年十九試經得度趨講肆

究天台教旨頗自負一日暴所習於禪者為其折困因有疑投天童
交禪師交使其南詢遂造闡之雪峯需禪師席不契走淮西舒州龍

門佛眼遠禪師席下縱步水磨觀其勝曰法輪常轉豁然大悟說偈
曰轉大法輪日前包裹更問如何水推石磨佛眼領之辭去度九江

登廬阜露眠草宿蛇虎為鄰山舒水緩處會意則居焉住勝業南木
雲蓋公安大瀉五刹復赴豫章黃龍至是己巳年太尉邢公孝揚施

金為思營壽塔於寺東之薌源江麓畢忠笑曰吾將行矣書偈曰六
十六年遊夢幻中浩歌歸去撒手長空瞑目而寂法嗣佛眼遠禪師

遠嗣五祖演演嗣白雲端端嗣揚歧會會嗣慈明
圓禪師臨濟派也嗣忠之法者普庵肅禪師等

普庵寂感妙濟真覺昭旣禪師 名印肅生江西袁州宜春余氏年六
歲夢異僧勉之出家父母送之從壽

隆院賢公受業年二十七落髮越明年受具足戒賢勉之讀法華經
師曰嘗聞諸佛元旨必貴了悟下心遂辭師遊湖湘謁牧庵忠禪師

于大瀉山問萬法歸一一歸何處忠豎起拂子師遂有省後歸受業
院至是紹興癸酉有鄰寺曰慈化眾請師住無常產師布衾紙衣粥

食禪定一日閱華嚴經合論說偈曰捏不成團撥不開何須南嶽又
天台六根門首無人用惹得胡僧特地來平居說偈曰靈妙如如不

異太虛造化萬物不礙方隅慕師之道而來者師隨宜而為說法或
書偈與之有病患者折草為藥與之受者即愈靈應非一由是鼎新

梵宇或問師脩何行而得此師畫一畫云會麼云不會師云止此不
須說孝宗乾道五年七月二十一日示眾曰諸佛不出世亦無有世

槃入吾室者必能元契矣善自護持毋令退失索浴更衣跏趺而逝
世壽五十五歲僧臘二十八夏塔全身於寺累受恩勅封謚師容貌

魁奇智性天發法嗣
黃龍牧庵忠禪師燈

庚午

紹興二十年

大金

天德二年

西夏

辛未

紹興二十一年

天德三年

釋迦文佛入滅至是二千一百年

宋杭州徑山佛日禪師名宗果生江東宣州寧國奚氏嗣法佛果
言神臂弓朝廷數其衣襟寔衡州至是二十一年十一月移梅州未
幾詔復形服蒙恩北歸四方虛席以邀不就十二月二十二日詔住
明州阿育王山廣利禪寺紹興二十八年詔再住徑山孝宗隆興元
年八月十日示寂於徑山明月堂世壽七十五歲僧臘五十八夏葬
全身于寺山賜謚普覺塔曰寶光孝宗為普安郡王時嘗遣內都監
王徑山問道佛日獻偈曰大根大器大力量荷擔大事不尋常一毛
頭上通消息徧界明明不覆藏王嘉之及封建王復遣內知客至徑
山供五百阿羅漢親書妙喜庵三大字製真讚以寄師曰生滅不滅
常住不住圓覺空明隨物現處孝宗即位賜師號大慧禪師盡取
向所賜宸翰以御寶識之聖恩隆厚嗣法弟子燈分甚眾右相湯思
退叅政李炳內翰汪藻禮部侍郎張九成給事中馮檝士大夫得其
道悟徹者具載如長書普說少保信軍節度使魏國公張浚銘其
塔賜語錄入藏流行續錄

宋隆興初潭草堂清禪師會中書記名脩修南閩人佛日果於
自衡州移梅陽仰侍行郡守謝朝議以佛日語僚屬曰朝廷編置
所謂長老者但一僧耳兵馬司東偏之際地從其居止既而僧行日
至幾數百指施鋤鑿而平基址運竹木而縛屋廬聽其指呼無敢
者守雖聞其服勤如此亦未知果何人也於是延見一二觀其能為
仰適承命乃與從容彌日語論英發摧古商今逢原左右守復徵等
伍更有蘊異能者否徇遂告以負大經論者有之博極書史者有之
詩詞高妙者有之翰墨飄逸者有之其所以未能明徹則佛祖大事
因緣而已是以不憚艱險隨侍而來得依仁政幸莫大焉守且駭異
知其徒侶皆為法忘軀之士自是於佛日禪師日益加敬遣其子純
粹求入道捷徑佛日示以法語八篇存語錄中

宋顯仁太皇后章氏紹興十二年自北歸歸鄰至是辛未二十一年
十月於杭州阜亭山建新寺成額曰崇先巖寺詔洞山下九世真歇
禪師清了開山住持召對稱旨賜袈裟衣木幾而寂全身葬于寺有
碑存焉真歇生蜀綿州雍氏嗣丹霞溥溥嗣芙蓉楷禪師太后謂道
家四聖殊有冥助改孤山寺為延祥觀以奉香火遷孤山尊者法慧法師智圓全身葬北山瑤坡賦林

壬申 紹興二十二年

癸酉 紹興二十三年

金改 天德四年

金改 貞元元年

止觀

宋詔台州東掖山圓智住上天竺大師秦檜問曰止觀一法耶二法耶智曰一法也譬之於水湛然而清者止也可鑿鬚眉者觀也水則一耳以眾生心性有重昏巨散之病用止觀為藥救而治之歸一法界之全體法界寂然各為止寂而常照各為觀止觀明靜之體豈有二耶檜悅首施錢五萬緡以建法堂紹興二十八年十二月十二日證悟法師圓智入寂曹勛撰塔銘詔嗣法首座若訥繼席任持宋給事中知瀘州馮楫悟心法於大慧果禪師號不動居士南渡後所在寺院佛藏經殘失楫印施補之足五千餘卷者凡四十八歲又四大部者亦如之所至與賢士大夫高僧逸民續廬山蓮社遺風每月建繫念淨土會至是癸酉冬十月三日具衣冠望闕再拜已換着僧三衣陞高座助跌說偈而逝晉燈宋温州圓辨法師道琛所至居在每月二十三日建淨土繫念道場會淨僧律講宗各勝畢至緇素常逾萬人至是癸酉冬十二月十六日

社連

僧三衣陞高座助跌說偈而逝晉燈

宋溫州圓辨法師道琛所至居在每月二十三日建淨土繫念道場會淨僧律講宗各勝畢至緇素常逾萬人至是癸酉冬十二月十六日

安坐而逝傳法嗣子法蓮慧詢仲韶韶著指南集二卷江湖寶之

全真教 金國貞元元年有吏貞成陽人王中孚者倡全真教談馬立劉和之其教盛焉章宗泰和四年元學士作紫微觀記經

甲戌 紹興十四年

乙亥 紹興十五年

丙子 紹興十六年

大金 貞元二年

大金 貞元三年

金改 正隆元年

馬嗜

宋華亭余山馬嗜禪師名法寧生山東密州莒縣李氏幼歲投沂州天寧妙空明公得度任沂州馬嗜山淨居寺紹興初航海抵華亭寺龍鎮有宦居察判章衮母夫人高氏夢天人曰古佛來也翌旦師至迎之止錢氏園師乃建精舍掘基得鐵磬斷碑佛像之應華亭令柳約申明所司奏賜所建寺額曰淨居往明州省妙空于雪竇庵於補陀別峯曰青山佛守莫將請主吉祥初哲宗元符間余山有精舍曰靈峯請部符改額曰昭慶禪院右丞朱諤致師開山住持遷明州廣慧復昭慶至是丙子年正月八日入寂塔全身方丈之東偏

世壽七十六歲僧臘五十九夏嗣靈寶明禪師明嗣長蘆和和嗣法雲本雲門宗派五會元

丁丑 紹興二十七年

大金 正隆二年

西夏

戊寅 紹興二十八年

正隆三年

己卯 紹興二十九年

正隆四年

庚辰 紹興三十年

正隆五年

設主 宋詔謚杭州天竺慈雲尊者曰懺主禪慧法師塔曰瑞光之塔碑刻

辛巳 紹興三十一年

金世宗改正隆五年曰大定元年

金 辛巳年秋七月金主真遷都汴京九月亮背盟伐宋宋帝下詔親征亮勇於誅殺興兵構禍是時豪傑並起大名王友直濟南耿京

太行陳俊倡集義眾契丹之裔耶律窩斡並興於沙漠於是渤海軍萬人叛亮歸會寧府立亮為帝號曰正隆七月庚子朔

即皇帝位改元大定左丞相張浩自汴京歸稟赦文馳報亮嘆曰朕欲俟江南平後取一戊大定之義以紀元是子乃先我乎命取書

一帙示之乃預識改元之事十一月乙未諸將集兵萬餘人控弦直入亮寢帳中左右親軍散走諸將射帳中矢下如雨亮即崩皇子光

瑛留汴京亦為眾所殺哀追廢亮為海陵王謚曰煬后徒單氏為海陵夫人襄更名雍都燕京仁厚慈儉在位二十九年謂之小堯舜

壬午 紹興三十二年

大金 大定二年

西夏

六年 金世宗癸丑正月入都于燕以父故名宗輔改曰宗堯追謚尊曰懿宗建大慶壽寺於燕都城北詔玄冥禪師顯公主之為開山第一代勅

皇子燕王降香賜錢二萬緡沃田二十頃

宋 二月帝自建康回臨安府六月詔太祖皇帝七世孫建王瑋賜名育立為皇太子追封皇兄子併為秀王丙子帝內禪皇太子即皇

帝位帝稱太上皇帝居德壽宮冬十月淫雨勅內侍鄧從義賞香禱上竺觀世音菩薩即日開霽帝悅賜內府三品玉供養以謝增寶

孝宗 諱春封建王立為皇太子年三十六歲受內禪即帝位以十月二十三日為會慶御欽意克復神州會臣下有以內脩勸帝者乃以

敷文德求民瘼勸農桑修水利明賞罰惜名器五日一朝太上皇以極兩宮之奉在位二十七年禪位太子自稱太上皇壽六十八歲

隆興二年 乾道九年

淳熙計

癸未隆興元年

大金 大定三年

西夏

御贊觀世音菩薩

七月帝御選德殿製觀世音菩薩贊曰觀音大士其來尚矣朕每有禱祈隨念感應曰雨曰暘不愆暴刻是有助于冲人者也因為作贊曰猗歟大士本自圓通示有言說為世之宗明照無二等觀以慈隨感即應妙不可思石刻

宋詔蔣山大禪師了明住徑山明生秀州陸氏嗣大慧杲禪師楊和五重敬之捨蘇州莊田歲入二萬斛徑山由是豐足增益明禪師

甲申 隆興二年

大金 大定四年

西夏

乙酉乾道元年

大金 大定五年

西夏

丙戌

乾道二年。詔置護道昌住淨慈昌湖州人受業寶溪鹿苑寺登

大金 大定六年

西夏

丁亥 乾道三年

大金 大定七年

西夏

宋春二月帝幸上天竺展敬觀世音菩薩問住持若訥曰何故歲脩金光明懺訥曰大梵尊天是娑婆世界主釋提桓因天帝中御三十三天以臨下土四鎮天王共誓護法護民故佛為諸天說金光明三昧此帝王盛世之典也朝家香火故宜歲歲行之帝悅擢訥石街僧錄賜錢二萬即開山石晉僧道翊故居建十六觀堂敕翰林學士樓鑰作記按圖亦建于禁中次年四月八佛誕日宣訥請五十僧入內觀堂行護國金光明三昧齋罷命訥說法帝悅遣左街僧錄號慧光法師僧賜帛各一疋自是歲歲如來誕日例賜帛五十疋付上天竺遵脩佛事乾道六年十一月御書靈感觀音之寺靈感觀音寶殿上二大字賜上天竺昭揭山門乾道九年正月七日宣訥入對選德殿年初引見賜坐帝曰歲元曾去齋菩薩訥曰已領聖恩帝曰光明懺科儀如何訥曰經中有理懺有事懺懺者端坐究心是以曰業障如霜露皆從妄想生端坐念實相慧日能消除事懺者有五謹自正心誠意思惟大乘甚深空義從善如流改過不吝是脩第一懺悔孝

事父母以先四海是脩第二懺悔正法治世不在人民是脩第三懺
悔於六齋日境內不殺是脩第四懺悔深信因果心存般若不忘靈
山付囑是脩第五懺悔不必刻期禮拜但能行此五者以事契理是
名第一義懺悔帝大喜曰甚有開發帝曰每日講甚經訥曰妙法蓮
華經帝曰七卷經妙在何處訥曰為令眾生開示悟入佛之知見不
曾動着本體點鐵成金直指人心見性成佛帝悅奏未時訥謝恩下
殿淳熙元年帝給內帑錢二萬緡付上天竺建藏殿賜印福州經一
藏命皇太子書殿榜曰法輪寶藏並見上淳熙二年春三月帝幸上
竺展敬觀世音菩薩建護國金光明道場賜白雲堂印一顆主管教
門指靈隱直夏六月一日宣訥入對內觀堂帝曰近看寶積經其文何
廣訥曰華嚴般若寶積涅槃皆為大機說法文長義廣帝曰楞嚴深
造淵微何故說得如此好又說得如此闡顯訥曰佛乃識達本源者
也從體起用以無盡藏三昧說默一如中使奏未時訥退淳熙十一
年訥丐老進左右街都僧錄退居竺山彌陀與福院詔以嗣法高第
首座師覺補右街鑒義總持淳熙十六年宣覺入留內觀堂七
日講天台圓頓止觀光宗紹熙初帝居重華宮許訥有與出入許金
剛般若經進呈光宗御製贊文至紹熙二年十月一日訥歸寂世壽
八十二歲僧臘六十九夏葬彌陀與福院給事中宋之瑞作行業碑

僧錄

賜殿藏

庵草

綱法諸子曰僧錄師覺廣慧妙珪虛庵有宏石礪從戒等淳熙十
年十月二十二日帝於內觀堂書般若心經一卷至寧宗嘉泰二年
四月十日申錫御寶賜上竺僧錄妙珪叅知政事樓鑄給事中鄒應
政後藏于上竺觀勝四月十七日明州延慶教寺法師草庵名道因入減壽七十八夏六
十一自幼遊歷諸方登明智照之堂又入真歇了宏智覺無示講
之禪室回歸讀指要鈔方大悟初住延慶拈香曰三入禪室五陞講
堂始終親近八善知識彼皆光明碩大有德有言者緣不在彼如水
投石此一瓣香敬為承嗣延慶第一世法智尊者存則人亡則書心
不負人面無慚色高宗紹興丙寅退居城南草庵以生平所得道妙
著草庵錄十卷其言文而直江湖誦之儼

戊子 乾道四年

大金 大定八年 西夏

金國十月一日詔大慶壽寺顛禪師於東京
創清安禪寺度僧五百員作般瑟干此會錄
宋十二月初三日明州延慶寺法師有朋坐青玉軒
一眾圍繞諷觀經至真法身觀朋寂然坐而逝僧錄

己丑 乾道五年

大金 大定九年

西夏

庚寅 乾道六年

大定十年

西夏 乾祐元年

金國世宗真儀皇后出家為尼建垂慶寺度尼百人賜田二百頃

伴海

宋冬十月十五日詔杭州阜亭山崇先顯孝禪院前任持禪師慧遠住景德靈隱禪寺次年二月二十三日宣遠入對選德殿賜坐帝曰

如何免得生死慧遠對曰不悟大乘道終不能免帝曰如何得悟遠曰本有之性究之無不悟者帝曰悟後如何遠曰悟後始知脫體現

前了無毫髮可見之相帝首肯之帝曰即心即佛如何遠曰目前無法陛下喚甚麼作心帝曰如何是心遠正身叉手立曰只這是天顏

大悅乾道八年春正月二十八日車駕幸靈隱寺秋八月七日宣上竺徑山靈隱僧道三教集內觀堂齋既罷宣遠入東閣賜坐帝曰有

一二事欲問卿前日睡夢中忽聞鐘聲遂覺不知夢與覺是何遠曰陛下問夢耶問覺耶若問覺而今正是寐語若問夢覺無殊教

誰分別夢即是幻知幻即離離幻即覺覺心不動故曰若能辨物同如來帝曰夢幻既非鐘聲從甚處起遠曰從陛下問處起帝復問

前日在此閣靜坐忽然思得不與萬法為侶有箇見處遠曰願聞聖訓帝曰四海不為多遠曰一口吸盡西江水又如何帝曰亦未曾欠

關遠曰纔涉思惟便成剎法正使如斲輪如閃電了無干涉何以故法無二法見無二見心無別心天無二日帝首肯久之冬十月三十

日詔景德靈隱寺佛海大師慧遠特改賜佛海禪師淳熙元年五月三十日宣遠入對帝曰古宗師坐脫立亡今世有誰遠曰徽宗皇帝

朝改僧為德士詔下日建州有崇寧長老集眾陞座曰木簡拈來坐具放下雲散水流去寂然天地空便安坐而去紹興二十七年南劍

州西巖寺宗回因官以茶園事拈拾登座說偈曰官府追呼不暫停何如長往事分明從前有箇無生曲且喜今朝調已成言訖安坐而

去又園悟住昭覺時有五百眾第一座名道祖一日為眾入室既畢復有僧問曰生死到來如何迴避祖即屹然而去園悟亟至其所連

喚祖首座遂開眼園悟曰抖擻精神透關去祖點頭便行此皆今世坐脫立亡者帝嘉嘆久之御侍皆相顧秦辯淳熙三年春正月十

五日遠入寂壽七十四歲臘五十九夏葬靈隱之西山叅政周必大銘其塔語錄三卷左相虞允文序之二月二十九日詔台州報恩光

孝寺德光繼遠席住靈隱冬十一月入對選德殿淳熙五年特賜光號佛照禪師淳熙七年六月五日詔光住明州阿育王山廣利寺至

改賜師號

坐脫立亡

佛照光

六五四

左百一四

六十七

光宗紹熙四年正月二十六日詔光住臨安府徑山興聖萬壽寺寧
宗嘉泰三年入寂光生臨江軍彭氏嗣大慧杲禪師五燈海禪師
名慧遠生眉山彭氏年十三從藥師院宗辯為僧遊山聽習會圓悟
復領昭覺遠依之圓悟普說舉龐居士問馬祖不與萬法為侶者是
甚麼人馬祖曰待汝一口吸盡西江水即向汝道聞之大悟東下由
虎丘奉詔住臯亭山崇先屢遷名刹稟法嗣佛果園悟勤禪師鑿燈
辛卯乾道七年正月二十日雲門下八
大金 大定十一年 西夏 乾祐二年

道大 宋四月庚戌帝聽朝謂左右曰太祖皇帝問趙普曰天下何者最大
普曰道大朕常三復斯言祖宗每事必問道理焉得不治神鑑

壬辰乾道八年

大定十二年

西夏

癸巳乾道九年

大定十三年

觀世音菩薩應夢緣起

宋正月七日宣上天竺左街僧錄慧光法師
若訥入對選德殿帝曰上竺起因今得幾時

訥曰起自石晉天福四年僧道翊者庵山中夜每見前山發大光明
尋之自異木起取而刻為聖像夢神人曰明日有洛陽僧來宜從之

觀音

求舍利果得舍利三顆置菩薩頂髻中太祖開寶間吳越忠懿王錢
俶夢白父天人曰吾居處甚陋覺而詢其寶為廣其殿宇名天竺看

經院英宗治平間沈文通蔡襄繼守杭州具奏始末宰相曾公亮數
陳之賜額靈應觀音院今蒙陛下宸翰改院為寺方成太剎觀音

感山紀談曰蜀僧祖秀字紫芝蚤以文鳴士大夫間慕嵩明教之風
著歐陽文忠公外傳蘇養直辟為序冠其首畧曰君子以佛之教不

見證於堯舜禹湯之世而孔子孟軻之後歷代先儒雖當國不少禁
聽其橫流寓內古今持此論者有矣獨秀公以謂堯之丹朱不足以

授政而禪舜亦憂商均而禪禹至湯武革命斯教之所始使孔子
行事亦何以異此由堯迄武王佛未誕生有以也成康既没佛於是

顯跡然而未被中國以竢聖人生於魯集大成於古帝王之教也其
矣聖人困於魯衛陳宋欲居九夷乘桴浮海當是時以外數萬里之

教加于中國天子諸侯時聽之哉佛之法不苟傳非顯宗曠感而
求諸遠恐未能速應耳此皆秀公京師之書其駭古震今之論溢於

萬言秀又讚東坡像曰漢之司馬楊王唐之太白子昂是五君子者
皆生乎蜀郡未若夫子而有耿光夫子之詩抗衡者其准子美夫子
之文並軫者其准子長賦亦賢於屈賈字乃健於鍾王此夫子之絕
技蓋至道之批煉夫子之道是為后稷伊尹可以致其君於堯湯時

觀音

古今回

議將加之以缺鉞而夫子尤諷於典章海表之遷如歸故鄉言蜀郡之五傑者莫得窺夫子之垣墻秀至是癸巳年歸老蜀山焉文耀

甲午淳熙元年

大金 大定十四年 西夏

陳

宋淑妃陳氏建功德院於杭州南山賜額曰寧親廣福碑詩四月八日詔温州鴈蕩山靈峯寺禪師中仁入對選德殿奏答稱旨仁於崇寧宣和間慶基殿賜髻落髮往來譯院諦窮經論後得法於闍悟勤禪師鑄

乙未 淳熙二年

大金 大定十五年 西夏

丙申 淳熙三年

大金 大定十六年

丁酉 淳熙四年

大金 大定十七年

九世同居 金國鄭州尹泌九世同居三月詔免賦役三年御書曰敕賜旌表孝義尹氏之家繪

戊戌 淳熙五年

大金 大定十八年

己亥 淳熙六年

大金 大定十九年 西夏

庚子 淳熙七年

大金 大定二十年 西夏

寺

金國正月敕建仰山棲隱禪寺於燕京之西山詔玄冥禪師顛公開山賜田設會度僧萬人碑

宋秋召明州雪竇寺禪師寶印入對選德殿帝曰三教聖人本同道簡道理印對曰譬如虛空東西南北初無二也帝曰但聖人所立門戶不同孔子以中庸設教耳印曰非中庸何以安立世間故法華曰治世語言資生業等皆與實相不相違背華嚴曰不壞世間相而成出世間法帝曰今時士大夫學孔子者多只工文字語言不見夫子之道不識夫子之心唯釋氏不以文字教人直指心原頓令悟入不亂於死生之際此為殊勝印曰非獨後世學者不見夫子之心當時孔門顏子號為具體盡平生力量只道得箇瞻之在前忽焉在後如有所立卓爾竟捉摸未着而聖人分明八字打開向諸弟子曰二三子以我為隱乎吾無隱乎爾吾無行而不與二三子者是丘也以此觀之聖人未嘗迴避諸弟子而諸弟子自蹉過了昔張商英曰吾學佛然後能知儒此言實為至當帝曰朕意亦謂如此帝又曰莊老何

佛然後能知儒此言實為至當帝曰朕意亦謂如此帝又曰莊老何

如人印曰只是佛法中小乘聲聞以下人蓋小乘厭身如極枯桑如雜毒化火焚身入無為界即如莊子所謂形固可使如槁木心固可使如死灰若大乘人則不然度眾生盡方證菩提正如伊尹所謂予天民之先覺者也將以斯道覺斯民也有一夫不被其澤者若己指而內之溝中也帝大悅詔住徑山興聖萬壽禪寺淳熙十年春二月帝親註大方廣圓覺經一部遣中使賁賜寶印許述序刊行淳熙十五年印請老賜退居庵名曰別峯光宗紹熙元年十一月到寺見交承智策禪師與之言別策問行日印曰水到渠成歸別峯索紙書十二月初七夜鷄鳴時九字如期而化奉蛻質返寺之法堂留七日顏色明潤髮長頂溫葬于庵之西岡救謚慈辯禪師塔曰智光嗣華藏民禪師民生眉州朱氏嗣悟佛果勤慈辯名寶印生嘉州李氏自幼通六經而厭俗務乃從德山清素得度具戒聽華嚴起信既盡其說棄去會悟歸昭覺印依之隨眾入室而大悟嗣之會元

辛丑 淳熙八年

大金 大定二十年

西夏

原道論 宋帝御製論曰朕觀韓愈原道言佛老之相混三教之相糾未有能辯之者但文煩而理迂後聖人之用心則昭然何

則釋氏尊窮性命棄外形骸不着名相而於世事了不相備又何禮樂仁義哉然尚猶立戒曰不殺不淫不盜不飲酒不妄語夫不殺仁也不淫禮也不盜義也不飲酒智也不妄語信也如此與仲尼又何遠乎從容中道聖人也聖人所為孰非禮樂孰非仁義又烏得名焉譬如天地運行陰陽循環之無端豈有意春夏秋冬之別哉此世人強名之耳亦猶仁義禮樂之別聖人所以設教治世不得不然也因其強名揆而求之則道也道也者仁義禮樂之宗也仁義禮樂固道之用也揚雄謂老氏棄仁義滅禮樂今迹老子之書其所寶者三曰慈曰儉曰不敢為天下先孔門曰溫良恭儉讓又曰惟仁為大老子之所謂慈豈非仁之大者耶曰不敢為天下先豈非遜之大者耶至其會道則互相偏舉所貴者清淨寧一而與孔聖果相背馳乎蓋三教末流昧者執之自為異耳夫佛老絕念無為脩心身而已矣孔子教以治天下者特所施不同耳譬猶耒耜而耕機杼而織後世徒紛紛而惑固失其理或曰當如之何去其惑哉曰以佛脩心以老治身以儒治世斯可也唯聖人為能同之不可不論也

壬寅 淳熙九年

大金 大定二十二年

西夏

庵

宋春二月十九日四明法智下四世秀州黔嘉當湖竹庵解空尊者
 可觀入寂世壽九十一歲僧臘七十八夏少依車溪擇卿講席得旨
 深穩一日聞舉般若寂寥言下大悟曰如服一杯降氣湯卿印可之
 又見慧覺法師於湖州雪窓下讀指要至若不謂實鐵床非苦變易
 非遷豁然喜曰世間文字語言皆糠粃耳初高宗紹興戊午主當湖
 德藏至是乾道七年秋左相魏杞在平江請住北禪天台寺適九日
 入院指法座曰曾中一寸灰已冷頭上千莖雪未銷老步只宜平地
 去不知何事強登高聞者悅服魏杞牧勤致師住延慶祖庭時八十
 九歲笑不二載歸竹庵入滅茶毘日無風無雨無事邦人說為三無
 事日煙所到處皆舍利塔于德藏院解空著楞嚴補注四卷金剛通
 論事苑二卷圓覺手鑑一卷蘭盆補注一卷山家義苑二卷草錄一
 卷生平提唱宗旨如頌中論四句曰中論因緣所生法一句道盡無
 剩語我說即是空假中珠簾暮捲西山雨又頌船子曰夾山不在一
 楫上明月蘆花夜夜寒船子故應無可做偶來此地弄釣竿嗣師之
 法者曰宗印等印此生杭州鹽官陳氏年十五具戒參學得竹庵
 道隱雷峯毛氏庵赴華亭普光遷秀北德藏復遷華亭之超果蘇之
 地禪移天空靈山寧宗召對選德藏賜號慧行法誦嘉定六年
 行北十二月八日至松江謂其徒曰吾化緣畢此石脇而逝

癸卯 淳熙十年

大金 大定二十三年 西夏

甲辰 淳熙十一年

大金 大定二十四年

昊天寺 金國大長公主二月降錢三百萬建寺於燕京
城額曰昊天給田百頃每歲度僧尼十人碑刻

乙巳 淳熙十二年

大金 大定二十五年 西夏

丙午 淳熙十三年

大金 大定二十六年

丁未 淳熙十四年 十月八日太上皇高宗崩

大金 大定二十七年

戊申 淳熙十五年

大金 大定二十八年

己酉 淳熙十六年 二月光宗受禪即帝位 三月皇子濂進封嘉王

大金 大定二十九年

宋 春正月以周必大留正為左右丞相二月辛酉朔壬戌帝
內禪移居重華宮皇太子即皇帝位立妃李氏為皇后鑑

光宗

諱淳孝宗第五子年四十歲自東宮受禪尊孝宗曰壽皇聖帝在位五年禪位太子自稱太上皇壽五十四歲

庚戌紹熙元年

大金 章宗璟 西夏

金

國主雍正月癸巳崩章宗璟立太子允恭之子也改元明昌追謚雍為世宗父允恭為顯宗璟幼好學善屬文寬裕溫和母趙氏

辛亥

紹熙二年

明昌二年

西夏

壬子

紹熙三年

明昌三年

癸丑

紹熙四年

明昌四年

鄭主 被誅

金

十月誅皇叔鄭王允蹈先是太子允恭早世允蹈次長當立樞密使張克己內侍江州等以私意立太子孫璟然允蹈性寬厚母亦趙氏遠避恩寵中外無黨璟每見之有愧色亦酣飲內都知省江州出入宮掖大受四方饋遺國體始弱矣京師謠言立鄭王璟之遺

東隊主李白 陳主張飛龍御前將軍完顏黑鐵分兵擒捕置獄

會同館獄成鄭王允蹈附馬都尉唐遠蒞刺同母妹新興公主

愛主 叛

公主並賜死餘同逆者夷三族次年正月鄭王長子

萬松 禪師

大通節度使愛王大辯據五國城以叛報父讎也

萬松 禪師

金詔洞宗禪派萬松長老於內殿說法章宗躬親迎禮奉錦綺大備

萬松 禪師

祇衣詣座授施后妃貴戚羅拜于前各施珍財建普度會每歲設齋

萬松 禪師

後於承安二年詔萬松

萬松 禪師

禪師住西山之仰山

甲寅

紹熙五年 六月丁酉夜壽皇聖帝孝宗崩

大金 明昌五年 西夏

無準 和尚

宋無準禪師名師範生蜀郡梓潼雍氏是年十月登戒叅學來杭州見松源岳於靈隱肯堂充於淨慈謁破庵先禪師於平江西華秀峯

頓悟玄旨出世明州清涼移焦山遷雪竇詔住育王遷徑山召入對

脩政殿賜金欄僧衣宣詣慈明殿陞高座說法帝垂簾而聽賜號佛

鑑禪師後建接待御書賜額曰萬年正續又築空明月池上榜

曰退耕乞老于朝入寂塔全身于圓照嗣破庵祖先禪師

破庵 安王氏子嗣密庵傑禪師名祖先廣

破庵

安王氏子嗣密庵傑禪師名祖先廣

庵

○明州天童密庵禪師名咸傑生福州鄭氏自幼穎悟出家為僧徧參知識後謁應庵於衢州明果應庵孤硬難入屢遭呵叱一日應庵問如何是正法眼師遷答曰破沙盆應庵領之未幾辭省親應庵送以偈曰大徹投機向當陽鄭頂門獨從今因載徵詰洞無痕雖未付鉢袋氣宇吞乾坤把正法眼喚作破沙盆此行將省親切忌便踪跟吾有末後句待歸妻汝導出世繼之為巨次遷祥符建康蔣山華藏未幾詔住徑山靈隱晚居天童示寂塔全身于寺之中峯嗣應庵華禪師五燈

庵

○明州天童應庵禪師名曇華生蘄州江氏生而奇傑年十七出家於東禪剃髮受具徧參知識謁圓悟禪師於雲居悟入獨指之見彰教隆禪師隆移虎丘師待行半載間頓悟玄奧累遷巨刹住歸宗日大慧在梅陽寄師偈曰空斷金輪第一峯千妖百怪盡潛踪年來又得真消息報道楊歧正脉通其歸重如此孝宗隆興元年六月十三日奄然而化塔全身于寺山嗣虎丘隆禪師隆諱紹隆嗣圓悟勤禪師

會

臨安府淨慈肯堂禪師名彥充生杭州於清益氏幼依明空院義堪為師得度遊學領旨於惠林住庵顏禪師充奉勅住淨慈示寂塔于

庵

寺之南庵嗣在庵顏已處住江州東林各道顏蜀郡潼川人埃鮮氏父參園悟泊悟還蜀囑之依妙喜仍以書致喜曰顏川彩繪已異但欠點眼耳妙喜居雲門及泮嶼顏皆住焉朝夕質疑方得大悟遂嗣大慧杲禪師會

松

○杭州景德靈隱禪寺禪師名崇岳生處州龍泉吳氏孝宗隆興二年得度於杭州西湖白蓮精舍遊方參請最後見密庵傑禪師於衢州西山密庵移建康蔣山華藏杭之徑山皆侍從之密庵開室問僧不是心不是佛不是物師侍側忽大悟密庵遷靈隱命師居於少一座旋

密庵

出世平江澄照為密庵嗣遷江陰光孝無為治父饒州薦福明州香退居東庵嘉泰二年八月四日手書別交舊公卿垂語于學者曰有力量人因甚擡脚不起又曰開口不在舌頭上貽書嗣法于香山

光

睦雲居善開囑以闢法書偈曰來無所來去無所去曾聞玄關佛祖罔指跏趺而寂壽七十一歲臘四十夏塔全身北高峯之原碑

宋

紹熙五年春三月壽皇不豫六月丁酉夜壽皇崩帝亦廢疾是日太皇太后有旨聽就內中成服秋七月甲子太皇太后降旨云皇帝以疾至今未能執喪曾有親筆自欲退閑皇子嘉王可即皇帝位尊皇帝為太上皇帝皇后為太上皇后嘉王固辭且願樞密趙汝愚

曰其無罪恐負不孝之名閣門宣贊中侍爾德等遂以黃袍披嘉王王拒不受汝愚固請遂即皇帝位於東楹之素帷諱擴光宗長子封嘉王即帝位臨下以簡御衆以寬省刑薄賦罷歲貢寬民力留心帝王之業服澣濯之衣二十七歲受禪在位三十

十年壽五

七歲嘉泰四
慶元六
開禧三 嘉定廿

乙卯慶元元年

大金 明昌六年

西曆

丙辰 慶元二年

金改 承安元年

全國改元十一月二十三日大赦度僧千員趁

丁巳 慶元三年

大金 承安二年

西曆

戊午 慶元四年

承安三年

己未 慶元五年

大金 承安四年

西曆

金九月太后趙氏寢疾國主候起居鄭宸妃亦至后曰我有一心願未遂汝能成我意乎我家三四百口為煬王煬王即海陵也所殺叢塚在和部即黃龍潭也我欲創一寺在彼追薦冥福歲時奠享我不敢費公錢我自備錢七萬可以辦汝說與皇帝越旬太后崩宸妃以其遺留分與中外姻親及諸趙氏之在京遠近者奏手詔下和龍府起大明寺造九級浮圖遣太后殿內侍候衍監造務極壯麗且度僧三萬人施以度牒度及五萬人也寺傍建八寺以處之趁

庚申 慶元六年

大金 承安五年

西曆

宋五月丁亥壽仁太上皇后崩諡曰慈懿八月丁亥太上皇帝光宗崩金愛王既叛求授大軍是年大軍大舉深入十二月丁酉取大都城圍和龍大舉深入

辛酉 嘉泰元年

金改 泰和元年

壬戌

嘉泰二年

行禪宗機緣普燈錄

泰和二年

西夏

癸亥

嘉泰三年

泰和三年

甲子

嘉泰四年。追封岳飛曰鄂王。

泰和四年

乙丑 開禧元年

泰和五年

丙寅

開禧二年

泰和六年

西夏拓跋失都兒忽仁宗姪也乾順之小子曰仁友者之子也五月立。在位六年。

丁卯

開禧三年

泰和七年

戊辰 嘉定元年

泰和八年

金

十一月丙辰章宗崩無嗣群臣奉遺詔立衛王允濟丙寅即帝位世宗第七子也在位四年。統石烈執中弒之。

己巳

嘉定二年

大安元年

西夏

庚午

嘉定三年。旃檀佛像至是庚午。計二千二百二年矣。

大安二年

旃檀瑞像

是歲止金國十二年矣十月迎赴上京禁庭供養按翰林程鉅夫瑞像殿記曰釋迦如來初為太子生七日母摩耶

棄世生初利天佛既成道思念母恩遂昇初利天為母說法優填國王自以父失瞻仰於如來欲見無從乃刻旃檀為像目犍連尊者慮

有闕陋躬以神力攝三十二匠昇初利天諦觀相好三返乃得其真既成國王臣民奉之猶真佛焉及佛自初利天復至人間王率臣庶

同往迎佛此像騰步空中向佛稽首佛為摩頂授記曰我滅度千年之後汝從震旦

六十八年濟州十四年長安一十七年江南一百七十七年淮南三百六十七年復至江南二十一年汴梁一百七十七年比至燕京居

聖安寺十二年比至上京大儲慶寺二十年南還燕宮內殿居五十四年丁丑歲三月燕宮火迎還聖安寺居今五十九年乙亥歲當今

大元世祖皇帝至元十二年也帝遣大臣孛羅等四眾備法駕仗衛音伎迎奉萬壽山仁智殿丁丑建大聖萬安寺己丑歲自仁智殿迎

安寺之後殿大作佛事瑞像計自優填王造始之歲至今延祐丙辰凡二千三百有七年

辛未 嘉定四年

大金 大安三年

西夏 神宗 光定元年

春西夏神宗拓跋頌蕃邸立始為大軍所攻求援於金金不能救夏人乃叛金是時大朝國勢益強但居其故地於燕雲置行省命其大臣領之所謂太師國王也鞬韉之先與女真同類蓋皆鞬韉之後也其國在元魏齊魏周焯之時稱勿吉至隋稱靺鞨地直長安東北六千里東瀕海離為數十郡有黑水白山等名白山本臣高麗唐滅高麗其遺人迸入渤海惟黑水完疆及渤海盛靺鞨皆役屬之後為契丹所攻部族分散其居混同江之上遼東開元路咸平府長白山初名曰女真之源蓋古肅慎之地也乃黑水遺種其居於陰山者自號為鞬韉在唐末及五代時常通中國宋初名曰靺鞨鞬韉之人皆勇悍而善戰其近漢地者謂之熟鞬韉而能種秫稌以平底瓦釜煮而食之其遠者謂之生鞬韉止以射獵為生無器甲用骨鉄而已蓋以地不產鐵故也契丹雖通其和市而鐵禁甚嚴後金人得河東及執劉豫廢鐵錢由是秦晉鐵錢皆歸鞬韉得之遂大作軍器而國以益疆方金國盛時鞬韉歲時入貢衛王立鞬韉主忒沒真

依吉思皇帝山東兩河並為大朝收附其有滕骨國者在女真東北唐謂之蒙兀部金國謂之蒙兀亦謂之萌骨人不火食夜中能視鮫魚皮為甲可捍流矢自金國熙宗天眷年間始叛都元帥宗弼用兵連年卒不能討宗弼即兀朮所但分兵扼守要害及厚賂之其國亦自稱祖元皇帝建立年號時為邊患得契丹漢兒婦女而妻妾之自是漸有火食至是大朝乃自號大蒙古國然二國居東西兩方相望凡數千里不知何以合為一名蓋金國盛時置東北招討司以擇禦萌骨高麗西南招討司以統隸北方西夏萌骨所據蓋金主太宗創業時地二十七國寨而北方之境東接臨潢府西與夏國鄰南距靜州北抵大人國今盡為大朝之所有矣

壬申 嘉定五年

金改 重慶元年

西夏

癸酉 嘉定六年

大金改至寧元年 九月改貞祐元年

金八月起統石烈執中為右副元帥將武藝軍三千迎敵大軍二十日發燕京至紫金關執中聞關延敵聞大軍過關一時潰走執中還京見帝言大軍勢盛難敵完顏綱亦敗而回密奏執中故放大軍入關執中聞之懼誅先是左副元帥南平沮格軍賞眾共怨之執中因

人心之憤欲廢主遂回軍以誅南平為名二十四日軍至東華門外
召南平計事手刃之宮中聞變門皆不開執中欲縱火燒門守門將
軍舍住啓其門執中引兵入宮侍衛皆散走執中遣兵執帝并其
囚於舊府甲午二十夜執中遣內侍李監成弒國主於其府國主為
人仁厚居兄弟中取賢在位五年宣宗立降封為東海郡侯宣宗諱
珣世宗之孫也顯宗允恭之長子九月丙午即位改至寧元年為貞
祐元年拜紇石烈執中太師都元帥領三省事封澤王大軍至紫金
關距燕京二百里遣左監軍高乞以糶軍五千拒之失期不至執中
欲斬之國主以高有功諭令免死執中益其兵令出曰勝則贖罪敗
則殺無赦出戰軍大潰自度必為執中所殺遂引糶軍圍執中府突
入其卧內殺之退詣應天門待罪十月辛亥國主以高乞掌兵不欲
加罪盡收執中弒逆之人殺之拜高乞平章軍國加樞密大使時大
軍圍燕京又約宋夾攻趁

甲戌 嘉定七年

大金 貞祐元年

西夏

金三月京師之報軍民餓死者十四五金主遣使大軍議和索公主
反護駕將軍十人細軍百人從公主童男各五百人採繡衣三千

襲御馬三千匹金銀珠玉又請左丞相與和補與為質金主皆從之
以東海郡侯少女應之又金主鄉其國遙拜主不敵拒又曰元帥
圍燕日久未嘗擄掠欲得犒軍金帛主亦從之大軍北歸是時京城
白金三斤不能易米三升死者不可勝計遷都汴梁九月二十八
日起駕十月二十四日入汴京大軍既歸聞金遷汴怒曰既和而遷
是有疑心而不釋憾特以和為歎我之計耳次年八月復圍燕京分
兵下中原州郡遣使至汴索犒軍金銀等物金主皆與之東平大名
真定勤王之兵遇大軍皆潰敗自是內外不通太子守緒自燕京取
間道歸汴燕京宮闕雄麗為古今冠至是為亂兵所焚火經月餘不絕趁

乙亥 嘉定八年

大金 貞祐三年

西夏

丙子 嘉定九年

大金 貞祐四年

丁丑 嘉定十年

○禪宗聯燈錄

淨慈晦翁明禪師集

金改 興定元年

西夏

金國地勢日促遂有南窺江漢之謀構怨於宋數攻宋地而取之是
時西夏於金益懷貳心以書來宋議夾攻金八月宋安丙允夏請趁

戊寅

嘉定十一年

興定二年

西夏

己卯

嘉定十二年

興定三年

說法
兩山

癡絕禪師名道冲生武信長江苟氏光宗紹熙三年出峽參松源岳
禪師於饒州薦福會松源舉首座曹溪生和尚出世妙果聽其入門

法語有省遍歷叢林皆分半座至是嘉定二年由徑山首座出世
嘉興天寧嗣曹源生遷蔣山理宗嘉熙三年移雪峯方半載詔遷天

童育丑虛席兼攝住持說法兩山淳祐四年奉旨住靈隱退歸金陵
朝命以虎丘伴其養老淳祐八年六月詔住徑山淳祐十年五月十

年二月開山吳之法華八月詔住臨安府徑山淳祐十年五月十
三日入寂八十二歲僧臘六十一夏遺骨舍利葬金陵山中

庚辰

嘉定十三年

大金

興定四年

西夏

辛巳

嘉定十四年

興定五年

壬午

嘉定十五年

興定六年

癸未

嘉定十六年

元光元年

元光元年

九月和政得仁正改

甲申

嘉定十七年

秋閏八月帝崩
皇子成國公立

元光二年

乾定二年

宋

閏八月丁酉帝崩于福寧殿年五十七歲皇后楊氏史彌遠立貴
誠為皇子進封成國公即皇帝位更名的尊皇后為皇太后垂簾

聽政廢皇太子竑降封濟陽
郡王出判寧國府殺之

金

十月國主珣崩廟號宣宗珣第三子名守緒即帝位義宗也性寬
和慈仁少而嗜書長而博學才藻富贍好為文章在位十一年

理宗

諱昀寧宗姪年二十歲即帝位尊尚道學崇重士類初政翕然晚
年宰相賈似道買民田為官田柳罕賞而不行國體由是多故而

衰焉在位四十一年
壽六十一歲崩

寶慶三

紹定六

淳祐六

嘉熙四

乙酉寶慶元年

景定五

正大元年

西夏

丙戌 二年

大金 正大二年

西夏拓跋德 七月

金國是時群盜縱橫干戈充塞括馬數糧公私並竭金由是困矣

丁亥 三年

正大三年

西夏 滅

西夏自五代唐明宗天成間... 定難節度使李仁福... 長興四年三月... 遣其兄阿囉王... 清泰二年二月... 病以兄行軍司馬... 以靜州隸定難軍... 之志每藩鎮有叛者... 案之周顯德二年... 節度乃塞路不通... 之通馬至京太宗...

戊子 紹定元年

大金 正大四年

己丑 二年

正大五年

庚寅 三年

正大六年

辛卯 四年

正大七年

壬辰 五年

金改年春曰開興夏改曰天興

金國為大軍合圍汴京金人百計守城四月天向熱大軍意將還師又講和好取太子金紫為質所與金帛無數城中雖暫退敵師然兵疲力盡河南蕩析宋師瞰其南... 護衛軍五千人突圍而出與大軍戰獲勝左丞相完顏白撒奏請過河取衛州截其歸路北至衛州大軍雲集金主急回被其追及

賀都喜死之先是金主既出囑崔立以留守事衛州既敗諸軍從者止二十人汴京聞之崔立盡殺朝官之在京者以太后皇后皇妃公主皇兄荆王降于大軍悉取官中金帛珠玉玩好之物以獻自稱國王兼丞相大軍因而授之加河南行省權皇帝金主留歸德府

癸巳

紹定六年。相趙葵乞經理營田。

大金天興二年

金歸德絕糧六月戊戌金主自亳遷蔡州宋十一月遣襄陽太尉海襄陽帥孟珙以兵四萬人攻蔡州駐城南帥臣史嵩之嬖也運糧十萬給南北軍且置榷場於城南更相貿易大軍賴之十二月初九日大軍攻外城克之十六日大軍併力攻西城弗克十八日大軍復大至鑿其西城十九日金主悉出御用器皿賞軍士二十二日金主微服將馬軍百步軍千夜出東城將遁及柵不戰而還

甲午端平元年

大金天興三年 金亡

金

正月初十夜摘三面精銳軍備西城天未明大軍至方大戰南面宋兵萬餘以薄城矣金主知城必破乃詔大臣遜位於東面總帥承麟承麟西向因讓金主自持符璽授之曰朕所以付卿者豈得哉以朕不便鞍馬城陷之後馳突必難顧卿平昔以癯疾聞且

有將畧可一得免使祚胤不絕此朕之志也強以符璽承朕受之金主退閉閣門而自縊之宣徽使溫敦僉東上閣門使事僕散斜不失引後主承麟陞正座身被甲胄立受百官拜禮成咸出迎大軍戰南城之陣皆宋師旗幟四面鼓譟攻聲震天地守者開門縱大軍進金兵巷戰久不能禦退保子城後主承麟知主崩率百官詣前拜泣謂眾曰先帝在位勤儉寬仁圖復舊業有志不就可哀而已吾欲謚曰哀酌酒未終大軍已至城下攻急城陷後主承麟自縊宗稱帝至是端平甲午九主合一百一十七年而亡義宗既自縊權點檢完顏斜烈覺之矯制召承御石盞氏近侍局大使焦春和內侍局殿頭宋規赴義宗前斜烈曉以名分與三人者皆從死初斜烈將從死遺言奉御絳山使焚於義宗縊所幽蘭軒火方熾子城附近侍左右皆走獨絳山留為大軍所執問之為誰絳山曰吾奉御也大軍帥曰眾皆走而汝獨留何也絳山曰吾君已崩吾欲收其骨瘞之大軍笑曰汝狂者耶汝之命不能保能瘞君骨耶絳山曰汝事汝君吾事吾君君有天下十餘年功業弗終身死忍使暴露遺骸與士卒等同耶吾逆知汝必不違我情吾故留於此也大軍以其言白倭盞氏盞曰此奇男子也許之絳山乃入掇其餘燼裹以弊衾瘞于汝水之

絳山

金

公

卷

傍絳山再拜號哭投身汝水軍士救而存之。乙未端平二年詔集議楮幣出度牒收兩界會子。丙申三年議楮幣宜造十八界降黃榜措置會子。

丁酉嘉熙元年

戊戌二年。己亥三年詔敷州縣義倉以備賑濟。庚子四年右相史嵩之以稱提會子以五折二十七界會子五道准十八界一道。

辛丑淳祐元年

壬寅二年癸卯三年甲辰四年史彌忠薨特贈少師保寧軍節度使鄭國公令有司定謚以聞詔彌忠子嵩之起復右丞相兼樞密使永國公。乙巳五年嵩之致仕丙午六年丁未七年。

笑翁和尚

戊申淳祐八年明州育王山笑翁禪師三月二十七日入寂世壽七十二歲僧臘五十二夏師諱妙堪生明州慈溪毛氏寧宗慶元三年受具叅松源岳禪師於靈隱次謁無用全禪師於天童領有無用諱淨全生越州翁氏嗣徑山大慧杲禪師堪出世明州妙勝嗣全禪師

闢飛來峯

次遷金文移光孝遷台之報恩平江虎丘福州雪峯奉詔往臨安府景德靈隱寺闢寺左屠沽之地為林。嚴立關曰飛來峯又建靈

焚化瘞骨之。三塔于山北皆奏准焉。魏王明州建大慈寺請師開山說法為第一代。王薨謝去。主台州瑞巖移温州江心。詔主淨慈。又詔住天童。有旨主育王。至是戊申春再詔移淨慈。不赴。遂入寂。

己酉淳祐九年庚戌十年辛亥十一年壬子十二年

癸丑寶祐元年

甲寅二年 乙卯三年 丙辰四年 丁巳五年 戊午六年

己未開慶元年 釋迦文佛入滅至是己未二千二百八年矣

鞞鞞國憲宗皇帝九月親帥大軍入蜀順流東下。韓腹一軍自大理國南來。歷邕桂之境。南至靜江府。一軍度江圍鄂州。兵潛入。帝以賈似道為宣撫視師江上。十月丁大全罷相。吳潛入相。帝以賈似道為右相。荆湖宣撫策應大使進兵。援鄂州。趙葵為樞密使。江東西宣撫策應大使屯信州。遏廣右韓腹之師。十一月憲宗駕留釣魚城。下似道遣使約和。除歲幣。兵解去。帝出內庫銀絹犒戍海兵。

庚申景定元年

統中 韓韜國薛裨皇帝四月即位五月十九日建元中統宋賈似道朝
以右相兼太子太師北使郝京來宋尋盟賈相諱言前事拘留郝京
於真州不遣又使來荆湖賈相又留之漢陽之純口致成背盟之禍
太子 卒於國亡宋十月以皇弟嗣榮王與芮之子祺為皇太子封忠王
公 辛酉景定二年。壬戌三年右相賈似道買民田為公田直欲得
四 千萬畝歲入六七百萬碩臺臣交章言星變災異公田不便民間愁
嘆不平之所致乞罷公田以答天意賈相力
辯之自此公論頓沮矣。癸亥景定四年

元至 甲子 景定五年。癸卯。宋造金銀見錢關子以一準十八界會子
之三廢十七界不用及關子之行也物價頓踴冬十月帝崩皇

太子即帝位帝本福州古田縣之宗室父為越州山陰尉娶縣人全
氏生二子一曰與莒瑞也保也一曰與芮瑞也遂為越人焉。續錄
初諱孟崙理宗弟嗣榮王與芮之子理宗子多而不育鞠孟崙於
慶宗 宮中改名孜又改曰祺立為皇太子封忠王賜名睿帝即位進封
嗣榮王為福王是時權臣持國帝 咸淳 擁靈器在位十年壽三十五歲。十

乙丑咸淳元年 詔淨慈虛堂愚禪師住徑山師嗣湖州
道場山運庵嚴叢嗣松源岳禪師附錄

曾參 丙寅咸淳二年。丁卯三年封曾參陳國公孔伋沂國公配享。續錄
亂 嗣孫師陳國公陞十哲之位進賈似道平章軍國重事魏國公帝稱

師臣通國稱曰師相。續錄。戊辰四年。己巳五年。庚午六年三月
帝一日問似道曰襄陽之圍三年矣奈何賈相曰北兵比去陛下
得何人言帝曰適有女嬪言之賈相詰問

而殺之自是無人敢對帝言邊事者。續錄。辛未咸淳七年三月淮西制置司申襄圍不解乞調兵增戍
大 韃靼國建國號大元取周易乾元之義以明資始之功。續錄

臨安府中天竺永祚禪寺首座諱淨伏出世潭州石霜嗣虛舟度禪
師詔中天竺虛舟禪師普度住景德靈隱師揚州人受業揚子橋白
蓮寺嗣常州華嚴無得通禪師。壬申八年。咸淳十年
通嗣靈隱松源岳禪師。癸酉九年。七月帝崩。甲戌

少帝 諱焮度宗長子年五歲即帝位太皇太后謝氏垂簾聽。德祐
政明年改元德祐帝在位二年大兵臨城舉國歸附。續錄。二

乙亥德祐元年

丙子 德祐二年二月丙申朔乙卯起三宮北遷丁巳出宮太皇至燕
七年崩封壽春郡夫人全后為尼正智寺少帝封瀛國公。續錄


右宋一十六主合三百一十七年舉國歸附

大元

釋氏稽古畧

寶洲以舊輯手鑑再治而廣之為稽古畧予讀而
美之題以贊其萬乙云耳
并門劉庸和南





釋氏新書得靜觀其中妙理足盤桓因知研討
皆餘緒萬象冥總內安



余嘗畧涉三教之書道雖
不同而理則一松江南禪
寶洲岸公博通古今考傳
記以釋氏出處之迹裒集
成書凡四帙名曰稽古畧夫

稽古二字始於唐虞其未
尚矣予忝守是邦得觀
寶洲以古史之說而名其書
脩述佛祖西來之意浩瀚
端有源委嗚呼自非慧
性通徹深蘊佛之奧者
孰能若是哉後之學者
苟能以寶洲之心為心
何患不到見性成佛之
境耶噫至正乙未孟夏

言且浴陽雀思誠謹題



文政大園

